

摘藻堂四庫全書薈要

子部

欽定四庫全書薈要

子部
莊子卷七



詳校官主事_臣陳本

欽定四庫全書薈要卷一萬一千九十

子部

莊子卷七

晉郭象註

唐陸德明音義

莊子外篇達生第十九

音義曰以義名篇

達生之情者不務生之所無以為

生之所無以為者分外物也○達生達暢

也通也廣雅云生出也

達命之情者不務知之所無奈何

知之所無奈何

者命表事也

養形必先之物物有餘而形不養者有之矣

止知

其分物稱其生生斯足矣有餘則傷也○稱尺證反

有生必先無離形形不離而

生亡者有之矣

守形大甚故生亡也○離力智反下同大音泰

生之來不能却

其去不能止

非我所制則無為有懷於其間

悲夫世之人以為養形足

以存生

故彌養之而彌失之

而養形果不足以存生

養之彌厚則死地彌至

則世奚足為哉

莫若故而任之

雖不足為而不可不為者其為

不免矣

性分各自為者皆在至理中來故不可免也是以善養生者從而任之

夫欲免為

形者莫如棄世棄世則無累無累則正平正平則與彼

更生更生則幾矣

更生者日新之謂也付之日新則性命盡矣○幾徐其依反

事奚

足棄而生奚足遺棄事則形不勞遺生則精不虧

所以遺棄

之夫形全精復與天為一俱不為也天地者萬物之父母也

無所偏為故能子萬物

合則成體散則成始

所在皆成無常處○處昌慮反

形精

不虧是謂能移

與化俱也

精而又精反以相天

還輔其自然也○相息亮

反子列子問關尹曰至人潛行不窒

其心虛故能御羣實○關尹李云闕

令尹喜也室珍悉反

蹈火不熱行乎萬物之上而不慄

至適故無不可耳非

物往可之○蹈徒報反

請問何以至於此關尹曰是純氣之守也

非知巧果敢之列居子語女凡有貌象聲色者皆物也

物何以相遠

唯無心者獨達耳○知音智列音例本或作例語魚據反女音汝後同達于萬反

夫奚足以至乎先是色而已

同是形色之物耳未足以相先也

則物之

造乎不形而止乎無所化

常遊於極

夫得是而窮之者物焉

得而止焉

夫至極者非物所制○焉於處反

彼將處乎不淫之度

止於所受

分之而藏乎無端之紀

冥然與變化日新

遊乎萬物之所終始

始終

者物之極壹其性

飾則二矣

養其氣

不以心使之

合其德

不以物離性

以通

乎物之所造

萬物皆造於自爾

夫若是者其天守全其神無卻

物奚自入焉夫醉者之墜車雖疾不死骨節與人同而

犯害與人異其神全也乘亦不知也墜亦不知也死生

驚懼不入乎其胷中是故選物而不懼彼得全於酒而

猶若是

醉故失其所知耳非自然無心者也○邵去逆反陸字或作隊同直類反後皆同乘音繩又繩

證反選音悟郭音愕爾雅云選忤也郭而況得全於天註云謂干觸懼之涉反懼也李郭音習

乎聖人藏於天故莫之能傷也

不聞性分之外故曰藏

復讎者不

折鎔干

夫干將鎔鉚雖與讎為用然報讎者不事折之以其無心○鎔音莫本亦作莫干李云鎔耶干

將皆古之利劍名吳越春秋云吳王闔閭使干將造劍劍有二狀一曰干將二曰鎔鉚鎔鉚干將妻名也雖

有忮心者不怨飄瓦

飄落之瓦雖復中人人莫之怨者由其無情○忮之鼓反郭李音支

害也字書云狠也飄匹遙反郭李云落也復扶又反下章同中丁仲反
是以天下平均凡

平者由

有情 故無攻戰之亂無殺戮之刑者由此道也

無情之道

大不開人之天而開天之天

不慮而知開天也知而後感開人也然則開天者性

之動也開人者知之用也

開天者德生

性動者遇物而當足則忘餘斯德生也

開人者

賊生

知用者從感而求勸而不已斯賊生也

不厭其天不忽於人

任其天性而動

則人理亦自全矣○厭李於豔反徐於瞻反

民幾乎以其真

民之所患偽之所生常在於知

用不在於性動也○幾音機或音析

仲尼適楚出於林中見痾僂者承蜩

猶掇之也仲尼曰子巧乎有道邪曰我有道也五六月

累丸二而不墜則失者錙銖

累二丸於竿頭是用手之停審也其承蜩所失者不

過錙銖之間也○病郭於禹反李徐居具反又其禹反
倭郭音縷李徐良付反承一本作美蜩音條蟬也按丁

沽反拾也五六月司馬曰黏蟬時也累劣彼反下
同司馬云謂累之於竿頭也錙側其反銖音殊 累三

而不墜則失者十一

所失愈少

累五而不墜猶掇之也

停審之至

故乃無所復失

吾處身也若厥株拘吾執臂也若槁木之枝

不動

之至○厥本或作概同其月反株音誅拘其俱反郭音俱李云厥豎也豎若株拘也槁苦老反

雖天地

之大萬物之多而唯蜩翼之知吾不反不側不以萬物

易蜩之翼何為而不得

遺彼故得此

孔子顧謂弟子曰用志

不分乃凝於神其病倭丈人之謂乎顏淵問仲尼曰吾

嘗濟乎觴深之淵津人操舟若神吾問焉曰操舟可學

邪曰可善游者數能

言物雖有性亦須教習而後能耳
○分如字操七曹反下章同數音

朔註若乃夫没人則未嘗見舟而便操之也

没人謂能
驚沒於水

底○驚音
木鴨也

吾問焉而不吾告敢問何謂也仲尼曰善游

者數能忘水也

習以成性
遂若自然

若乃夫没人之未嘗見舟而

便操之也彼視淵若陵視舟之覆猶其車却也

視淵若
陵故視

舟之覆於淵猶車之却退於坂也○覆芳
服反註下同猶其車却也元嘉本無車字

覆却萬方陳

乎前而不得入其舍

覆却雖多而猶不以
經懷以其性便故也

惡往而不暇

所遇皆間暇也○
惡音烏間音閑

以瓦注者巧以鉤注者憚以黃金注

者殭

所要愈重則其心愈殭也○注之樹反李云擊也憚徒丹反又音丹又丈旦反忌惡也一曰難也殭

武典反又音昏又音門本亦作殭說文云殭殭也元嘉本作昏要一遙反

其巧一也而有所

矜則重外也凡外重者內拙

夫欲養生全內者其唯無所矜重也

田開之

見周威公威公曰吾聞祝賢學生

學生者務中適○田開之李云開之其名

也周威公崔本作周威公電祝賢上之六反下市軫反字又作緊音同本或作賢學生司馬云學養生之道也

中丁仲反下章注而中適同

吾子與祝賢遊亦何聞焉田開之曰開

之操拔篲以侍門庭亦何聞於夫子威公曰田子無讓

寡人願聞之開之曰聞之夫子曰善養生者若牧羊然視其後者而鞭之威公曰何謂也田開之曰魯有單豹者岩居而水飲不與民共利行年七十而猶有嬰兒之色不幸遇餓虎餓虎殺而食之有張毅者高門縣簿無不走也行年四十而有內熱之病以死豹養其內而虎食其外毅養其外而病攻其內此二子者皆不鞭其後者也

夫守一方之事至於過理者不及於會通之適也鞭其後者去其不及也○吾子與祝賢遊司馬本

以吾子屬上句更云子與祝賢遊操七曹反拔蒲末反徐甫末反李云把也等似歲反徐以醉反郭子稅反李

尋志反信醉反或蘇忽反帚也亦何聞於夫子絕句觀
如字崔本作趙云匿也視其羸瘦在後者匿著牢中養

之也單豹音善李云單豹隱人姓名也水飲元嘉本作
飲水縣音玄薄司馬云簾也無不走也司馬云走至也

言無不至門奉富貴也仲尼曰無入而藏藏既內矣而

李云走往也去起呂反於入無出而陽陽既外矣而又出榮立其中央若槁木

也於入無出而陽陽既外矣而又出三者若得其名必極名極而實當也夫畏塗者十殺一

而中適是立也人則父子兄弟相戒也必盛卒徒而後敢出焉不亦知

乎人之所取畏者衽席之上飲食之間而不知為之戒

者過也十殺一耳便大畏之至於色欲之害動皆之死地而莫不冒之斯過之甚也○畏塗司馬云阻

險道可畏懼者也卒子忽反知音智枉而甚反徐而鳩
反李云卧衣也鄭注禮記云卧席也動皆之死地一本
無地字祝宗人玄端以臨牢筭說彘曰汝奚惡死吾將
冒音墨

三月掾汝十日戒三日齊藉白茅加汝肩尻乎彫俎之
上則汝為之乎為彘謀曰不如食以糠糟而錯之牢筭
之中自為謀則苟生有軒冕之尊死得於豚楯之上聚
儻之中則為之為彘謀則去之自為謀則取之所異彘
者何也欲購則身亡理常俱耳不問人獸也○筭初章
反李云牢豕室也筭木欄也說如字又始銳反
彘直例反本亦作豕惡鳥路反掾音患司馬云養也本
亦作犧齊側皆反後章同藉在夜反又在亦反尻苦羔

反俎莊呂反畫飾之俎也為彘干偽反下自為為彘同
食音嗣據音康楷音遭錯七故反置也又如字本又作

措豚直轉反又較轉反楮食準反徐較荀反李勅準反
司馬云豚猶篆也楮猶案也聚儻力主反司馬云聚儻
器名也今冢壙中注為之一云聚儻棺槨也一云聚當
作蔽才官反儻當作羹力久反謂殯於蔽塗羹罌之中

桓公田於澤管仲御見鬼焉公撫管仲之手曰仲父何
見對曰臣無所見公反諛詒為病數日不出齊士有皇
子告敖者曰公則自傷鬼惡能傷公夫忿瀉之氣散而
不反則為不足上而不下則使人善怒下而不上則使
人善忘不上不下中身當心則為病桓公曰然則有鬼

乎曰有沈有履竈有髻戶內之煩壤雷霆處之東北方
之下者倍阿鮭蠶躍之西北方之下者則洸陽處之水
有罔象丘有萃山有夔野有彷徨澤有委蛇公曰請問
委蛇之狀何如皇子曰委蛇其大如轂其長如轅紫衣
而朱冠其為物也惡聞雷車之聲則捧其首而立見之
者殆乎霸桓公蹶然而笑曰此寡人之所見者也於是
正衣冠與之坐不終日而不知病之去也

此章言憂來而累生者不

明也患去而性得者達理也○去反一本作公反誤於
代反郭音熙說文云可惡之辭也李呼該反一音哀詒

吐代反郭音怡李音臺司馬云懈倦貌李云談詒失魂
魄也數日所主反司馬本作數月皇子告教如字司馬
云皇姓告教字齊之賢士也鬼惡音烏忿拂粉反李房
粉反瀉教六反之氣散而不反則為不足李云忿滿也
瀉結聚也精神有逆則陰陽結於內魂魄散於外故曰
不足上音時掌反下同而不下則使人善怒下而不上
則使人善忘忘病也李云陽散陰凝故怒陰發陽伏故
忘也不上不下中丁仲反身當心則為病李云上下不
和則陰陽爭而攻心心精神主故病也沈有履司馬本作
沈有漏云沈水汙泥也漏神名竈有髻音結徐胡節反郭
音詰李音吉司馬云髻竈神着赤衣狀如美女寢音庭
又音挺又徒佞反倍音裴徐扶來反鮭本亦作蛙戶媯
反徐胡佳反髻音髻又音龍躍之司馬云倍阿神名也
鮭髻狀如小兒長一尺四寸黑衣赤幘大冠帶劍持戟
洸音逸司馬云洸陽豹頭馬尾一作狗頭一云神名也
罔象如字司馬本作無傷云狀如小兒赤黑色赤爪大

耳長臂一云水神名萃本又作華所巾反又音臻司馬
云狀如狗有角文身五采變求龜反司馬云狀如鼓而
一足方音傍本亦作彷彿同皇本亦作徨同司馬云彷彿
狀如蛇兩頭五采文委於危反又如字朱冠司馬本作
俞冠云俞國之冠也其制似螺惡聞烏路反捧芳勇反
首司馬本同一本作手輶敕引反徐敕一反又敕私反
司馬云笑貌

李云大笑貌

紀消子為王養鬪鷄十日而問鷄已乎曰

未也方虛憍而恃氣十日又問曰未也猶應嚮景十日

又問曰未也猶疾視而盛氣十日又問曰幾矣雞雖有

鳴者已無變矣望之似木雞矣其德全矣異雞無敢應

者反走矣

此章言養之以至於全者猶無敵於外況自
全乎○紀消所景反徐所幸反人姓名也一

本作消為子偽反王司馬云齊王也虛憊居喬反又巨
消反李云高也司馬云高仰頭也應應對之應下同
許文反本亦作響景於領反又如字李云應響鳴顧景行

孔子觀於呂梁縣水三十

仞流洙四十里鼃鼃魚鼃之所不能游也見一丈夫游
之以為有苦而欲死也使弟子並流而拯之數百步而
出被髮行歌而游於塘下孔子從而問焉曰吾以子為
鬼察子則人也請問蹈水有道乎曰亡吾無道吾始乎

故長乎性成乎命與齊俱入與汨偕出

磨翁而旋入者齊也回伏而湧

出者汨也○呂梁司馬云河水有石絕處也今西河離
石西有此縣絕世謂之黃梁淮南子曰古者龍門未鑿

河出孟門之上也縣音玄伍音毋七尺曰伍沫音末龜音元龜徒多反或音檀龜字又作鱉必減反苦如字司馬云病也拯拯救之拯救所主反被皮寄反行歌司馬本作行道云常行之道也長丁丈反下同齊司馬云齊回水如磨齊也汨胡忽反司馬云涌波也從水之道而不為私焉任水而不任已此

吾所以蹈之也孔子曰何謂始乎故長乎性成乎命曰

吾生於陵而安於陵故也長於水而安於水性也不知

吾所以然而然命也

此章言人有偏能得其所能而任之則天下無難矣用夫無難以涉

乎生生之道何往而不通也

梓慶削木為鐻鐻成見者驚猶鬼神

似不

人所作也○梓音子慶李云魯大匠也梓官名慶其名也鐻音據司馬云樂器也似夾鍾

魯侯見而

問焉曰子何術以為焉對曰臣工人何術之有雖然有

一焉臣將為鑪未嘗敢以耗氣也必齊以靜心齊三日

而不敢懷慶賞爵祿齊五日不敢懷非譽巧拙齊七日

輒然忘吾有四枝形體也當是時也無公朝

視公朝若無則跂慕

之心絕矣○耗呼報反司馬云損也氣李云氣耗則心動心動則神不專也譽音餘輒丁協反輒然不動貌朝

直還反注同

其巧專而外骨消

性外之事去也○骨消如字本亦作滑消

然後入

山林觀天性形軀至矣然後成見鑪然後加手焉不然

則已

必取材中者也○見賢遍反中丁仲反

則以天合天

不離其自然也

器之所

以疑神者其是與

盡因物之妙故乃疑是鬼神所作耳○與音餘

東野稷以御

見莊公進退中繩左右旋中規莊公以為文弗過也使
之鉤百而反顏闔遇之入見曰稷之馬將敗公密而不
應少焉果敗而反公曰子何以知之曰其馬力竭矣而

猶求焉故曰敗

斯明至當之不可過也○東野稷李云東野姓稷名也司馬云孫卿作東野畢

見賢遍反下同莊公李云魯莊公也或云內篇曰顏闔將傳衛靈公太子問於蘧伯玉則不與魯莊同時當是衛莊公中丁仲反下同文弗過也司馬云謂過織組之文也使之鉤百而反司馬云稷自矜其能圓而軀之如鉤復述百反而不知止闔
工倕旋而蓋規矩指與物化
戶臘反元嘉本作盧崔同

而不以心稽故其靈臺一而不桎

雖工倭之巧猶任規矩此言因物之易也

○倭音垂又音睡旋而蓋矩指與物化而不以心稽音難司馬本矩作瞿云工倭堯工巧人也旋圓也瞿句也

倭工巧任規以見為圓覆蓋其句指不以施度也是與物化之不以心稽留也桎之實反司馬云閑也易音以

反忘足履之適也忘要帶之適也

百體皆適則都忘其身也○屨九注反要

一遙反知忘是非心之適也

是非生於不適耳

不內變不外從事

會之適也

所遇而安故無所變從也

始乎適而未嘗不適者忘適之

適也

識適者猶未適也

有孫休者踵門而詫子扁慶子曰休居

鄉不見謂不脩臨難不見謂不勇然而田原不遇歲事

君不遇世賓於鄉里遂於州部則胡罪乎天哉休惡遇

此命也扁子曰子獨不聞夫至人之自行邪忘其肝膽

遺其耳目

閻付自然也○踵章勇反司馬云至也訖救
駕反又呼駕反郭都駕反司馬云告也李本

作託云屬也扁慶子音篇又符珍反李云扁姓
慶子字也難乃旦反實必刃反惡音烏下同

茫然彷徨

徨乎塵垢之外

凡非真性皆塵垢也○芒武剛
反彷徨元嘉本作房皇音同

逍遙乎

無事之業

凡自為者皆
無事之業也

是謂為而不恃

率性自為耳
非恃而為之

長

而不宰

任其自長耳非宰而長
之○長丁丈反註同

今汝飾知以驚愚脩身

以明汙昭昭乎若揭日月而行也汝得全而形軀具而

九竅無中道夭於聾盲跛蹇而比於人數亦幸矣又何暇乎天之怨哉子往矣孫子出扁子入坐有間仰天而歎弟子問曰先生何為歎乎扁子曰向者休來吾告之以至人之德吾恐其驚而遂至於惑也弟子曰不然孫子之所言是邪先生之所言非邪非固不能惑是孫子所言非邪先生所言是邪彼固惑而來矣又奚罪焉扁子曰不然昔者有鳥止於魯郊魯君說之為具太牢以饗之奏九韶以樂之鳥乃始憂悲眩視不敢飲食此之

謂以已養養鳥也若夫以鳥養養鳥者宜棲之深林浮

之江湖食之以委蛇則平陸而已矣

音各有所便也○知音智汙音鳥揭其

列反又其謁反窳苦弔反跛彼我反窳紀輦反又紀偃反徐其偃反比如字又毗志反說音悅為于偽反奏九

韶元嘉本作奏韶武樂音洛下同食之音嗣委於危反蛇如字李云大鳥吞蛇司馬云委蛇泥鰌

今休

歎啓寡聞之民也吾告以至人之德譬之若載鷁以車

馬樂鵠以鍾鼓也彼又惡能無驚乎哉

此章言善養生者各任性分之

適而至矣○歎啟李云歎空也啟開也如空之開所見小也鷁音兮鵠字亦作鵠音晏

莊子外篇山木第二十

音義曰舉事以名篇

莊子行於山中見大木枝葉盛茂伐木者止其旁而不
取也問其故曰無所可用莊子曰此木以不材得終其
天年夫子出於山舍於故人之家故人喜命豎子殺鴈
而烹之豎子請曰其一能鳴其一不能鳴請奚殺主人
曰殺不能鳴者明日弟子問於莊子曰昨日山中之木
以不材得終其天年今主人之鴈以不材死先生將何
處莊子笑曰周將處夫材與不材之間似之而非也故
未免乎累

設將處此耳以此未免於累竟不處山中釋
名云山產也產生物也說文云山宣也謂能

宣散氣生萬物也。大木釋名云木冒也。冒地而產也。字林云木衆樹之總名。白虎通云木踊也。夫如字夫子謂莊子本或即作莊子豎。市主反烹。普彭反。煮也。若夫乘道德而浮遊則不然。無

譽無訾。一龍一蛇與時俱化而無肯專為。一上一下以

和為量。浮遊乎萬物之祖。物而不物於物。則胡可得

而累邪。此神農黃帝之法則也。

故莊子亦處焉。○譽音干。訾音紫。毀也。徐音疵。

上如字。又時掌反。量音亮。

若夫萬物之情人。倫之傳則不然。合則離

成則毀。廉則挫。尊則議。有為則虧。賢則謀。不肖則欺。胡

可得而必乎哉。悲夫。弟子志之。其唯道德之鄉乎。

不必故。

待之不可以一方也唯與時俱化者為能涉變而常通耳○傳直專反司馬云事願可傳行也挫子卧反本亦作坐同卿如字一音許亮反

市南宜僚見魯侯魯侯有憂色市南子

曰君有憂色何也魯侯曰吾學先王之道修先君之業吾敬鬼尊賢親而行之無須臾離居然不免於患吾是以憂市南子曰君之除患之術淺矣

有其身而矜其國故雖憂懷萬端尊

賢尚行而患慮愈深矣○市南宜僚了蕭反徐力遙反司馬云熊宜僚也居市南因為號也李云姓熊名宜僚按左傳云市南有熊宜僚楚人也無須臾離力智反絕句崔本無離字居然崔讀以居字連上句行下孟反

夫豐狐文豹棲於山林伏於巖穴靜也夜行晝居戒也

雖飢渴隱約猶且胥䟽於江湖之上而求食焉定也然
且不免於罔羅機辟之患是何罪之有哉其皮為之灾
也令魯國獨非君之皮邪吾願君剝形去皮洒心去欲
而遊於無人之野

欲令無其身忘其國而任其自化也
○豐司馬云大也胥䟽如字司馬云

胥須也䟽菜也李云胥相也謂相望䟽草也辟婢亦反
剝音枯廣雅云屠也去皮起呂反下去欲去君同洒先
典反本亦作洗音同欲如字
徐音慈令力呈反章末同南越有邑焉名為建德之

國寄之南越取其
去魯之遠也其民愚而朴少私而寡欲知作而不

知藏與而不求其報不知義之所適不知禮之所將猖

狂妄行乃蹈乎大方

各恣其本步而人人自蹈其方則萬方得矣不亦大乎

其生

可樂其死可葬

言可終始處之○樂音洛

吾願君去國捐俗與道相

輔而行

所謂去國捐俗謂蕩除其習中也

君曰彼其道遠而險又有江

山我無舟車奈何

真謂欲使之南越

市南子曰君無形倨

形倨

之謂無形倨音據司馬云無倨傲其形蹟之質反又知吏反礙五代反

無留居

留居滯守之謂○無

留居司馬云無留安其居以為君車

形與物夷心與物化斯寄物以自載也

君曰彼其

道幽遠而無人吾誰與為鄰吾無糧我無食安得而至

焉市南子曰少君之費寡君之欲雖無糧而乃足

所謂知足

則無所不足也
○我一本作餓
君其涉於江而浮於海望之而不見其

崖愈往而不知其所窮
絕情欲遠也
送君者皆自崖而反
君欲

絕則民各反守其分
君自此遠矣
超然獨立於萬物之上也
故有人者累
有人者有

之以為已私也
見有於人者憂
見有於人者為人所役用也
故堯非有人非

見有於人也
雖有天下皆寄之百官委之萬物而不與焉斯非有人也因民任物而不役已斯非

見有於人也
吾願去君之累除君之憂而獨與道遊於

大莫之國
欲令蕩然無有國之懷
○大莫莫無也
方舟而濟於河有虛舩

來觸舟雖有偏心之人不怒有一人在其上則呼張歛

之一呼而不聞再呼而不聞於是三呼邪則必以惡聲

隨之向也不怒而今也怒向也虛而今也實人能虛已

以遊世其孰能害之

世雖變其於虛已以免害一也○方舟司馬云方並也惴必善反爾

雅云急也呼火故反下同張歛許及反徐許輒反郭踈獵反張開也歛歛也

北宮奢為衛靈公

賦歛以為鍾為壇乎郭門之外三月而成上下之縣王

子慶忌見而問焉曰子何術之設奢曰一之間無敢設

也泊然抱一耳非敢假設以益事也○北宮奢李云衛大夫居北宮因以為號奢其名也為衛于偽反歛力艷

反為壇但丹反李云祭也禱之故為壇也上下之縣音玄司馬云八音備為縣而聲高下王慶忌李云王族也

慶忌周大夫也怪其簡
速故問之泊步各反

奢聞之既雕既琢復歸於朴

還用

其本性也侗乎其無識

任其純朴而已○侗吐東勃動二儻反無知貌字林云大貌一音慙

儻

乎其怠疑

無所趣也○儻音救蕩反

萃乎芒乎其送往而迎來

無所欣說

○萃在醉反芒莫郎反說音悅

來者勿禁往者勿止

任彼也

從其彊梁

順乎

衆也○彊梁多力也

隨其曲傳

無所係也○曲傳音附司馬謂曲附已者隨之也本或作傳張戀反

因其自窮

用其不得

故朝夕賦歛而毫毛不挫

○當故無損挫音子

卧而況有大塗者乎

秦然無執用天下之自為斯大通之塗也故曰經之營之不日成之

孔子圍於陳蔡之間七日不火食大公任往弔之曰子

幾死乎曰然子惡死乎曰然

自同左好惡耳聖人無好惡也○大音泰任如字李

云大公大夫稱任其名幾音祈又音機惡鳥路反注及下同好呼報反章內同

任曰予嘗言不

死之道東海有鳥焉名曰意怠其為鳥也紛紛拊拊而

似無能引援而飛迫脅而棲

○既弘大舒緩又心無常係○拊音紛字或作盼跌音

秩徐音族字或作映司馬云紛紛拊拊舒遲貌一云飛不高貌李云羽翼聲迫脅而棲李云不敢獨棲迫脅在衆鳥中終足容身而宿辟害之至也進不敢為前退不敢為後

常從容處中○從七

容食不敢先嘗必取其緒

○其於隨物而已緒次緒也

是故其行列

不斥

與羣俱也○行戶剛反下亂行同斥音尺

而外人卒不得害是以免於

患

患害生於役知以奔競卒子恤反終也又七忽反

直木先伐甘井先竭

害也

子其意者飾知以驚愚修身以明汙昭昭乎如揭日月

而行故不免也

夫察焉小異則與衆為逆矣混然大同則無獨異於世矣故夫昭昭者乃冥冥

之迹也將寄言以遺迹故因陳蔡以託患○知音智汙音烏揭其列其謁二反逆五故反

昔吾聞之

大成之人曰自伐者無功功成者墮名成者虧

恃功名以為已

成者未之嘗全○墮許規反

孰能去功與名而還與衆人

功自衆成故還之○

去起道流而不明

昧然而自行耳

居得行而不名處

彼皆居然自得此行

耳非由名而後處之○

純純常常乃比於狂

無心而削動故也

迹捐勢不為功名

功自彼成故勢不在我而名迹皆去

是故無責於人人

亦無責焉

恣情任彼故彼各自當其責也

至人不聞子何喜哉

寂泊無懷乃至

人也○泊步各反

孔子曰善哉辭其交遊去其弟子逃於大澤

衣裘褐食杼粟

取於棄人間之好也○衣於既反褐戶割反杼食汝反又音序

入獸不

亂羣入鳥不亂行

若草木之無心故為鳥獸所不畏

鳥獸不惡而況人

乎

蓋寄言以極推至誠之信任乎物而無受害之地也

孔子問子桑雽曰吾再逐

於魯伐樹於宋削迹於衛窮於商周圍於陳蔡之間吾

犯此數患親交益疏徒友益散何與子桑雽曰子獨不

聞假人之亡與林回棄千金之璧負赤子而趨或曰為

其布與赤子之布寡矣

布謂匹帛也○桑寧音戶本又作寧音于李云桑姓寧其名隱

人也或云姓桑寧名隱伐樹於衛一本作伐樹於宋削迹於衛數所主反何與音餘下故此假古雅反李云國名林回司馬云殷之逃民之姓名為如字下同又皆于偽反布謂貨財也為其累與赤子之

累多矣棄千金之璧負赤子而趨何也林回曰彼以利合此以天屬也夫以利合者迫窮禍患害相棄也以天屬者迫窮禍患害相收也夫相收之與相棄亦遠矣且君子之交淡若水小人之交甘若醴君子淡以親

去利故淡

道合故親也淡如字又徒暫反小人甘以絕飾利故甘利不可彼無故

以合者則無故以離夫無故而自合者天屬也合不由故則故不足以離之也然則有故

而合必有故而離矣孔子曰敬聞命矣徐行翔佯而歸絕學捐書

弟子無挹於前其愛益加進去師任素故也○無挹音揖李云無所執持也去起

呂異日桑寧又曰舜之將死真冷禹曰汝戒之哉形莫

若緣情莫若率因形率情不矯之以利也○真司馬本作直冷音零禹司馬云冷曉也謂以真

道曉語禹也冷或為緣則不離率則不勞刑不假故常命又作令命猶教也

常不離不勞則不求文以待形任朴而直前也不求文以待形

固不待物

朴素而足

莊子衣大布而補之正縻係履而過魏

王魏王曰何先生之憊邪莊子曰貧也非憊也士有道

德不能行憊也衣弊履穿貧也非憊也此所謂非遭時

也王獨不見夫騰猿乎其得柟梓豫章也攬蔓其枝而

王長其間雖羿蓬蒙不能眇睨也

遭時得地則申其長蒙故雖古之善射莫

之能害○衣於既反大布司馬云麤布也縻賢節反又

苦結反司馬云帶也係履李云履穿故係過古禾反魏

王司馬云惠王也憊皮拜反又薄計反司馬本作病勝

音騰本亦作騰柟音南木名攬舊歷散反蔓音萬郭武

聿反王往況反司馬本作往長丁亮反本又作張音同

司馬直良反云兩枝相去長達也羿音詣或戶係反蓬

蒙符恭反徐扶公反司馬云昇古之善射者蓬蒙昇之
弟子眇莫練反舊莫顯反本或作脾普計反晚音詣郭

五岑反李云邪及其得柘棘枳枸之間也危行側視振
視也枝其綺反

動悼慄此筋骨非有加急而不柔也處勢不便未足以

逞其能也今處昏上亂相之間而欲無憊奚可得邪此

比干之見剖心徵也夫

勢不便而強為之則受戮矣○
柘章夜反枳吉氏反又音紙枸

音矩悼如字又直弔反便婢面反注
同相息亮反見賢遍反強上聲下同

孔子窮於陳蔡之

間七日不火食左據槁木右擊槁枝而歌焱氏之風有

其具而無其數有其聲而無宮角木聲與人聲犁然有

當於人之心顏回端拱還目而窺之仲尼恐其廣已而

造大也愛已而造哀也曰回無受天損易

○唯安之故易稿苦老反

下同哉氏必遙反古之無為帝王也犁然力兮反又力之反司馬云犁然猶栗然當丁浪反還音旋窺徐起規

反造司馬云造適也易以鼓反註下同

無受人益難

物之倘來不可禁禦

無始而非

卒也

於今為始者於昨為卒則所謂始者即是卒矣言變化之無窮

人與天一也

皆自然

夫今之歌者其誰乎

任其自爾則歌者非我也

回曰敢問無受天損

易仲尼曰飢渴寒暑窮極不行天地之行也運物之泄

也

不可逃也○極之實反運司馬云動也泄息列反司馬云發也徐以世反

言與之偕逝之

謂也

所謂不識不知而順帝之則也○言我也

為人臣者不敢去之執臣之

道猶若是而況乎所以待天乎

所在皆安不以損為損斯待天而不受其損也

何謂無受人益難仲尼曰始用四達

感應旁通為四達

爵祿並

至而不窮

旁通故可以仰高大也

物之所利乃非已也

非已求而取之

吾

命有在外者也

人之生必外有接物之命非如瓦石止於形質而已

君子不為盜

賢人不為竊吾若取之何哉

盜竊者私取之謂也今賢人君子之致爵祿非私取

也受之而已

故曰鳥莫知於鷦鷯目之所不宜處不給視雖

落其實棄之而走

避禍之速○知音智鷦鷯音意鷽音而或云鷽鷽燕也目之所不宜處昌呂

反言不可止處目已其畏人也而襲諸人間未有自疏

羅絡知之故弃之也外於人而

人存之者也畏人而入於社稷存焉爾況之至人則玄

人間此鳥之所以稱知也同天下故天下

樂推而不厭相與社而稷之何謂無始而非卒仲尼曰

斯無受人益之所以為難也莫覺其變○禪市戰焉知

化其萬物而不知其禪之者反司馬云授予也

其所終焉知其所始正而待之而已耳日夜相代未始

之無所為懷也○何謂人與天一邪仲尼曰有人天也

焉於處反下同

有天亦天也凡所謂天皆明人之不能有天性也言自然

不為而自然

矣人安能故有此自聖人晏然體逝而終矣晏然無於

然哉自然耳故曰性而體與變

也俱莊周遊乎雕陵之樊覩一異鵲自南方來者翼廣七

尺目大運寸感周之顙而集於栗林莊周曰此何鳥哉

翼殷不逝目大不覩蹇裳躩步執彈而留之覩一蟬方

得美蔭而忘其身螳螂執翳而搏之見得而忘其形執

木

葉以自翳於蟬而忘其形之見乎異鵲也○雕徐音彫

本亦作彫陵之彫樊音煩司馬云雕陵名樊藩也謂

遊栗園藩籬之內也樊或作楚楚古野字廣光浪反運

寸司馬云可回一寸也感周之顙息蕩反李云感觸也

翼殷不逝目大不覩司馬云殷大也曲折曰逝李云翼

大逝難目大視希故不見人蹇起虔反躩李驅碧反徐

九縛反司馬云疾行也案即論語云足躩如也彈徒旦

反留力救反司馬云宿留伺其便也螳音堂螳音郎執

爵於計反司馬云執草以自翳也
搏郭音博徐音付見乎賢遍反

異鵲從而利之見利

而忘其真

目能觀翼能逝此鳥之真性也今見利故忘之○真司馬云真身也

莊周怵然

曰噫物固相累

相為利者恒相為累○怵敕律反

二類相召也

夫有欲於物者

物亦有欲之

捐彈而反走虞人遂而諄之

諄問之也○諄本又作訊音信問也

司馬云以周為盜粟也

莊周反入三月不庭蘭且從而問之夫子

何為頃間甚不庭乎莊周曰吾守形而忘身

夫身在人間世有夷

險若推夷易之形於此世而不度此世之所宜斯守形而忘身者也○三月不庭一本作三日司馬云不出坐

庭中三月蘭力信反一本作簡且子餘反司馬云蘭且莊子弟子易以跂反度直洛反

觀於濁水

而迷於清淵

見彼而不明即因彼以自見幾忘反鑒之道也○見賢遍反

且吾聞諸

夫子曰入其俗從其俗

不違其禁令也

今吾遊於雕陵而忘吾

身異鵲感吾顙遊於栗林而忘真栗林虞人以吾為戮

吾所以不庭也

以見問為戮夫莊子推平於天下故每寄言以出意乃毀仲尼賤老聃上拊擊

乎三皇下痛病其一

陽子之宋宿於逆旅逆旅人有妾

身也○拊普口反

二人其一人美其一人惡惡者貴而美者賤陽子問其

故逆旅小子對曰其美者自美吾不知其美也其惡者

自惡吾不知其惡也陽子曰弟子記之行賢而去自賢

之行安往而不愛哉

言自賢之道無時而可○陽子司馬云陽朱也去起呂反行下孟反

莊子外篇田子方第二十一

音義曰以人名篇

田子方侍坐於魏文侯數稱谿工文侯曰谿工子之師

邪子方曰非也無擇之里人也稱道數當故無擇稱之

文侯曰然則子無師邪子方曰有曰子之師誰邪子方

曰東郭順子文侯曰然則夫子何故未嘗稱之子方曰

其為人也真

無假也○田子方李云魏文侯師也名無擇數稱雙角反又所主反下同谿音溪又

音兮司馬本作難工李云谿工賢人也

人貌而天

雖貌與人同而獨任自然

虛緣而葆

真

虛而順物故真不失
○葆音保本亦作保

清而容物

夫清者患於大潔今
清而容物與天同也

○大音泰

物無道正容以悟之使人之意也消

曠然清虛正
已而已而物

邪自消
邪似嗟反

無擇何足以稱之子方出文侯儻然終日不

言召前立臣而語之曰遠矣全德之君子始吾以聖知

之言仁義之行為至矣吾聞子方之師吾形解而不欲

動口鉗而不欲言

自覺其近○儻然敕蕩反司馬云失
志貌語魚據反知音智行下並反解

戶買反鉗其炎
反徐其嚴反

吾所學者真土梗耳

非真物也○直如
字本亦作真下句

同元嘉本此作真下句作直土梗更
猛反司馬云土梗土人也遭雨則壞

夫魏直為我累耳

知至貴者以人爵為累也

溫伯雪子適齊舍於魯魯人有請見之者

溫伯雪子曰不可吾聞中國之君子明乎禮義而陋於知人心吾不欲見也至於齊反舍於魯是人也又請見溫伯雪子曰往也蘄見我今也又蘄見我是必有以振我也出而見客入而歎明日見客又入而歎其僕曰每見之客也必入而歎何邪曰吾固告子矣中國之民明乎禮義而陋乎知人心昔之見我者進退一成規一成矩從容一若龍一若虎

樂辟其步遺蛇其跡○溫伯雪子李云南國賢人也蘄音祈從

七容反辟婢亦反遺如字本
又作達於危反蛇以支反

其諫我也似子其道我也

似父

禮義之弊有斯飾也○道音導

是以歎也仲尼見之而不言

已知其心

矣

子路曰吾子欲見溫伯雪子久矣見之而不言何邪

仲尼曰若夫人者目擊而道存矣亦不可以容聲矣

目裁

往意已達無所容其德音也○夫音符目擊而道存矣司馬云見其目動而神實已著也擊動也

顏淵

問於仲尼曰夫子步亦步夫子趨亦趨夫子馳亦馳夫

子奔逸絕塵而回瞠若乎後矣夫子曰回何謂邪曰夫

子步亦步也夫子言亦言也夫子趨亦趨也夫子辯亦

辯也夫子馳亦馳也夫子言道回亦言道也及奔逸絕塵而回瞠若乎後者夫子不言而信不比而周無器而民滔乎前而不知所以然而已矣仲尼曰惡可不察與夫哀莫大於心死而人死亦次之

夫心以死為死乃更連其死其死之速由

哀以自喪也無哀則已有哀則心死者乃哀之大也○奔逸司馬本逸作佚瞠救庚反又丑卽反字林云直視貌一音杜哽反又救孟反比毗志反滔乎前吐刀反謂無人君之器滔聚其前也又杜高反惡可音烏與音餘下哀與同喪息浪反下章同日出東方而入於西極萬物莫不比方

皆可見也有目有趾者待是而後成功目成見功足是出則

存是入則亡

直以不見為亡耳竟不亡

萬物亦然有待也而死有待

也而生

待隱謂之死待顯謂之生竟無死生也

吾一受其成形而不化以

待盡

夫有不得變而為無故一受成形則化盡無期也

效物而動

自無心也

日夜無

隙

恒化新也

而不知其所終

不以死為死也

薰然其成形

薰然自成又奚為哉

○薰許云反

知命不能規乎其前丘以是日徂

不係於前與變俱往故曰

徂○徂如字司馬本作疽云病也

吾終身與女交一臂而失之可不哀

與

夫變化不可執而留也故雖執臂相守而不能令傳若哀死者則此亦可哀也今人未嘗以此為哀奚獨

哀死邪○令力呈反下章注同女音汝

女殆著乎吾所以著也彼已盡矣

而女求之以為有是求馬於唐肆也

唐肆非停馬處也言求向者之有不

可復得也人之生若馬之過肆耳恒無駐須臾新故之相續不舍晝夜也著見也言女殆見吾所以見者耳吾

所以見者日新也故已盡矣女安得有之○殆著乎吾所以著也郭著音張慮反注同又一音張略反司馬云

吾所以著者外化也女殆庶於此耳吾一不化者則非女所及也是求馬於唐肆也郭云唐肆非停馬處也李

同又云唐亭也司馬本作廣肆云廣庭也求馬於市肆廣庭非其所也處昌慮反復扶又反舍音捨吾服

女也甚忘

服者思存之謂也甚忘謂過去之速也言女去忽然思之恒欲不及

女服吾也

亦甚忘

俱爾耳不問賢之與聖未有得停者

雖然女奚患焉雖忘乎故吾

吾有不忘者存

不忘者存謂繼之以日新也雖忘故吾而新吾已至未始非吾吾何患焉故能

離俗絕塵而與物無不冥也○離力智反下章文同

孔子見老聃老聃新沐方將

被髮而干熱然似非人

寂泊之至○被皮寄反干本或作乾熱乃牒反又丁立反司馬

云不動貌說文云怖也泊步各反

孔子便而待之少焉見曰丘也眩與

其信然與向者先生形體掘若槁木似遺物離人而立

於獨也

無其心身而後外物去也○待或作侍見賢遍反眩玄遍反與音餘下同掘徐音屈槁苦老反

老聃曰吾遊於物之初

初未有而故有故遊於物初然後明有物之不為而自有也○

坎訓弗反

孔子曰何謂邪曰心困焉而不能知口辟焉而不

能言

欲令仲尼必求之於言意之表也○辟必亦反司馬云辟卷不開也又婢亦反徐數赤反

嘗為

女議乎其將

試議陰陽以擬向之無形耳未之敢必○為于偽反

至陰肅肅至陽

赫赫肅肅出乎天赫赫發乎地

言其交也

兩者交通成和而

物生焉或為之紀而莫見其形

莫見為紀之形明其自爾

消息滿虛

一晦一明日改月化日有所為

未嘗守故

而莫見其功

自爾故無

功生有所乎萌

萌於未聚也

死有所乎歸

歸於散也

始終相反乎

無端而莫知乎其所窮

所謂迎之不見其首隨之不見其後

非是也且孰

為之宗孔子曰請問遊是老聃曰夫得是至美至樂也

得至美而遊乎至樂謂之至人

至美無美至樂無樂故也○且如字舊子餘反

樂音洛下及注同

孔子曰願聞其方曰草食之獸不疾易藪水

生之蟲不疾易水行小變而不失其大常也

死生亦小變也○行

下孟反又如字

喜怒哀樂不入於胷次

知其小變而不失大常李云次中也

夫天

下也者萬物之所一也得其所一而同焉則四支百體

將為塵垢而死生終始將為晝夜而莫之能滑而況得

喪禍福之所介乎

愈不足患○滑古沒反介音界

棄隸者若棄泥塗知

身貴於隸也

知身之貴於隸故弃之若遺土耳苟知死生之變所在皆我則貴者常在也

貴

在於我而不失於變

所貴者我也而我與變俱故無失也

且萬化而未始

有極也夫孰足以患心已為道者解乎此

所謂縣解○解戶買反注

同

孔子曰夫子德配天地而猶偃至言以修心古之君

子孰能脫焉老聃曰不然夫水之於汔也無為而才自

然矣至人之於德也不修而物不能離焉若天之自高

地之自厚日月之自明夫何脩焉

○不修不為而自得也汔音灼又上若反

李以略反李云取也

孔子出以告顏回曰丘之於道也其猶醯雞

與

醯雞者甕中之蠅蠅○醯雞許西反司馬云若酒上蠅蠅也甕鳥弄反蠅亡結反蠅元孔反

微夫

子之發吾覆也吾不知天地之大全也

比吾全於老聃猶甕中之與天

地莊子見魯哀公哀公曰魯多儒士少為先生方者莊
矣

子曰魯少儒哀公曰舉魯國而儒服何謂少乎莊子曰
周聞之儒者冠園冠者知天時履句屨者知地形緩佩
玦者事至而斷君子有其道者未必為其服也為其服
者未必知其道也公固以為不然何不號於國中曰無
此道而為此服者其罪死於是哀公號之五日而魯國
無敢儒服者獨有一丈夫儒服而立乎公門公即召而
問以國事千轉萬變而不窮莊子曰以魯國而儒者一

人耳可謂多乎

德充於內者不脩飾於外○見賢遍反亦如字魯哀公問馬云莊子與魏惠王

齊威王同時在哀公後百二十年冠古亂反園音圓句音矩徐其俱反李云方也屢徐居具反緩戶管反司馬

本作緩缺古穴反斷丁亂反號號冷也

百里奚爵祿不入於心故飯牛而

牛肥使秦穆公忘其賤與之政也有虞氏死生不入於

心故足以動人

內自得者外事全也○飯煩晚反忘其賤謂忘其飯牛之賤也

宋元君

將畫圖衆史皆至受揖而立舐筆和墨在外者半有一

史後至者僮僮然不趨受揖不立因之舍公使人視之

則解衣般礴羸君曰可矣是真畫者也

內足者神閒而意定○受揖而

立司馬云受命揖而立也。祗本或作訖，食紙反。儼，倪吐袒反。徐音但。李云舒閑之貌。殷字又作繫，礪傍。各反。徐

敦，各反。司馬云般礪，謂箕坐也。羸本又作羸。同力果反。司馬云將畫故解，解衣見形。閑音閑。文王觀於

臧，見一丈夫釣，而其釣莫釣。

聊以卒歲。○文王觀於臧，李云臧地名也。司馬本作

文王微服而觀於臧。夫本或作人。

非持其釣有釣者也。

竟無所求。常釣也。

得失經意其於假釣而已。

文王欲舉而授之政，而恐大臣父兄之弗

安也，欲終而釋之，而不忍百姓之無天也。於是旦而屬

之。夫夫曰：昔者寡人夢見良人，黑色而頤，乘駁馬而偏

朱蹄，號曰寓而政於臧丈人，庶幾乎民有瘳乎！諸大夫

蹇然曰先君王也文王曰然則卜之諸大夫曰先君之命王其無它又何卜焉遂迎臧丈人而授之政典法無更偏令無出三年文王觀於國則列士壤植散羣長官者不成德黶斛不敢入於四竟列士壤植散羣則尚同

也

所謂和其光同其塵○屬音燭夫夫皆方于反司馬云夫夫大夫也一云夫夫古讀為大夫頤而占反郭

李而兼反又而銜反駁邦角反偏朱蹄李云一蹄偏赤也瘳救留反蹇子六反本或作愀在久七小二反先君王司馬云言先君王靈神之所致令本或作命王其無它司馬云無違命壤音怪下同植音值散羣司馬云植行列也散羣言不養徒衆也一云植者疆界頭造屋以待諫者也長丁丈反下同官者不成德司馬云不利功

名也。𨾏，斛音庚。李云：六斛四斗曰𨾏。司馬本
作𨾏。魁，音讀曰終。魁，音讀曰史。竟，音境。下同。長官者不

成德則同務也。

潔然自成則與衆務異也。

𨾏斛不敢入於四竟，則諸

侯無二心也。

天下相信故能同律度量衡也。

文王於是焉以為大師北

面而問曰：政可以及天下乎？臧丈人昧然而不應。泛然

而辭朝令而夜遁，終身無聞。

為功者非已故功成而身不得，不退事遂而名不得。

不去名去身退乃可以及天下也。○大音泰，昧音妹。泛，徐數句反。遁，徐困反。

顏淵問於仲尼：

曰：文王其猶未邪？又何以夢為乎？仲尼曰：默。女無言。夫

文王盡之也。

任諸大夫而不任斯盡之也。

而又何論刺焉？彼直以循

斯須也

斯須者百姓之情當悟未悟之頃故文王循而發之以合其大情也

列御

寇為伯昏無人射引之盈貫

盈貫謂溢鎬也○為于偽反盈貫古亂反司馬云鎬

也鎬

丁措杯水其肘上

左手如柜右手如附技右手放發而左手不知故可措之杯水

歷反

也○

措七故反肘竹九反柜音矩本亦作矩同

發之適矢復沓

矢去也箭適去復軟沓也○適

反柜

音矩本亦作矩同

發之適矢復沓

矢去也箭適去復軟沓也○適

丁歷

反復扶又反下及注同軟色洽反

方矢復寓

箭方去未至的已復寄杯於肘上言其敏捷之

及注

同軟色洽反

方矢復寓

箭方去未至的已復寄杯於肘上言其敏捷之

也妙當是時猶象人也

之不動

伯昏無人曰是射之射非不

也妙

當是時猶象人也

之不動

伯昏無人曰是射之射非不

射之射也嘗與汝登高山履危石臨百仞之淵若能射

乎於是無人遂登高山履危石臨百仞之淵背逡巡足

二分垂在外揖御冠而進之御冠伏地汗流至踵伯昏

無人曰夫至人者上闕青天天下潛黃泉揮斥八極神氣

不變

揮斥猶縱放也夫德充於內則神滿於外無遠近幽深所在皆明故審安危之機而泊然自得也○

遂七句反汗戶旦反揮音揮斥音尺李音託郭云揮斥猶放縱今女怵然有恂目之志

爾於中也殆矣夫

不能明至分故有悞有悞而所喪多矣豈唯射乎○怵敕律反恂李又作

眴音荀爾雅云恂悞也目之志恂謂眩也欲以眩悅人之目故怵也中丁仲反又如字中精神也喪息浪反後

章同肩吾問於孫叔敖曰子三為令尹而不榮華三去之

而無憂色吾始也疑子今視子之鼻間栩栩然子之用

心獨奈何孫叔敖曰吾何以過人哉吾以其來不可却

也其去不可止也吾以為得失之非我也而無憂色而

已矣我何以過人哉且不知其在彼乎其在我乎其在

彼邪亡乎我在我邪亡乎彼

曠然無係玄同彼我則在彼非獨亡在我非獨存也

○樹况甫反

方將躊躇方將四顧何暇至乎人貴人賤哉

躊躇

四顧謂無可無不可○躊躇直留反踏直於反

仲尼聞之曰古之真人知者不

得說美人不得濫盜人不得刳伏戲黃帝不得友

伏戲黃帝

者功號耳非所以功者也故况功號於所以功相去遠矣故其名不足以友於人也○刳居業反元嘉本作却

義音

死生亦大矣而無變乎已况爵祿乎若然者其神

經乎大山而無介入乎淵泉而不濡處卑細而不憊充

滿天地既以與人已愈有

割肌膚以為天下者彼我俱失也使人人自得而已者與

人而不損於已也其神明充滿天地故所在皆可所在皆可故不損已為物而放於自得之地也○大山音泰

介音界憊皮拜反以為于偽反下同

楚王與凡君坐少焉楚王左右曰凡

亡者三

言有三亡微也○凡君如字司馬云凡國名在汲郡共縣按左傳凡周公之後也隱七年天王

使凡伯來聘俗本此後有孔子窮於陳蔡及孔子謂顏回二章與讓王篇同衆家並於讓王篇音之檢此二章無郭註似如重出古本皆無謂無者是也凡君曰凡之亡也不足以喪吾存

遺凡故也夫凡之亡不足以喪吾存則楚之存不足以存存

夫遺之者不以亡為亡則存亦不足以為存矣曠然無矜乃常存也由是觀之則凡未始

亡而楚未始存也

存亡更在於心之所措耳天下竟無存亡

莊子外篇知北遊第二十二

音義曰以義名篇

知北遊於玄水之上登隱弇之丘而適遭無為謂焉知謂無為謂曰予欲有問乎若何思何慮則知道何處何服則安道何從何道則得道三問而無為謂不答也非不答不知答也知不得問反於白水之南登狐闕之上

而睹狂屈焉知以之言也問乎狂屈狂屈曰唉予知之
將語若中欲言而忘其所欲言知不得問反於帝宮見
黃帝而問焉黃帝曰無思無慮始知道無處無服始安
道無從無道始得道知問黃帝曰我與若知之彼與彼
不知也其孰是耶黃帝曰彼無為謂真是也狂屈似之
我與汝終不近也夫知者不言言者不知故聖人行不

言之教

任其自行斯不言之教也○知北遊音智又如
字於玄水之上李云玄水水名司馬崔本上作

北隱斧符文反又音紛又符紛反李云隱出斧起丘貌
白水水名孤闕苦穴反司馬李云孤闕丘名睹丁古反

狂屈求勿反徐又其述反司馬向崔本作詘李云狂屈
併張似人而非也以之言司馬云之是也唉哀在反徐

烏來反李音熙云應聲語魚
據反不近附近之近下同
道不可致道在自然非德

不可至不失德故稱德仁可為也義可虧也禮相偽也

故曰失道而後德失德而後仁失仁而後義失義而後

禮禮者道之華而亂之首也禮有常則故矯故曰為道

者日損損華損之又損之以至於無為無為而無不為

也華去而朴全則今已為物也物失其所雖復歸根不

亦難乎其易也其唯大人乎其歸根之易者唯大人耳

難○易以生也死之徒知變化之道死也生之始孰知

其紀

更相為始則未知孰死孰生也○更音庚

人之生氣之聚也聚則為生

散則為死

俱是聚也俱是散也

若死生為徒吾又何患

患生於異

故萬

物一也是其所美者為神奇其所惡者為臭腐臭腐復

化為神奇神奇復化為臭腐故曰通天下一氣耳

各以所美

為神奇所惡為臭腐耳然彼之所美我之所惡也我之所美彼或惡之故通共神奇通共臭腐耳死生彼我豈殊哉○惡烏路反註

聖人故貴一知謂黃帝曰吾問無

為謂無為謂不應我非不我應不知應我也吾問狂屈

狂屈中欲告我而不我告非不我告中欲告而忘之也

今予問乎若若知之奚故不近黃帝曰彼其真是也以

其不知也此其似之也以其忘之也予與若終不近也

以其知之也狂屈聞之以黃帝為知言

明夫自然者非言知之所得故

當時乎無言之地是以先舉不言之標而後寄明於黃帝則夫自然之冥物槩乎可得而見也○標必違反

天地有大美而不言四時有明法而不議萬物有成理

而不說

此孔子之所以云予欲無言○大美謂覆載之美也

聖人者原天地之美

而達萬物之理是故至人無為

任其自為而已

大聖不作

唯因任也

觀於天地之謂也

觀其形容象其物宜與天地不異

今彼神明至精與

彼百化

百化自化而神明不奪

物已死生方圓莫知其根也

夫死者已

自死生者已自生圓者已自圓方者已自方未有為其根者故莫知

扁然而萬物自古以

固存

豈待為之而後存焉○扁音篇又音幡

六合為巨未離其內

計六合在無極

之中則陋矣○離力智反其內謂不能出自化也

秋豪為小待之成體

秋毫雖小非無

亦無以容其質

天下莫不沈浮終身不故

日新也

陰陽四時運行

各得其序

不待為之

惛然若亡而存

昭然若存則亡矣○惛音昏又音泯

油然

不形而神

挈然有形則不神○油音由謂無所給惜也

萬物畜而不知此之

謂本根

以畜之而不得其本性之根故不知其所

可以觀

於天矣

與天同觀

齧缺問道乎被衣被衣曰若正汝形一汝

視天和將至攝汝知一汝度神將來舍德將為汝美道

將為汝居汝腫焉如新生之犢而無求其故言未卒齧

缺睡寐被衣大說行歌而去之曰形若槁骸心若死灰

真其實知不以故自持

與變俱也○被衣音披本亦作披腫敕紅反郭寃絳反李云未

有知貌齧缺睡寐體向所說畏其視聽以寐耳受道速故被衣喜也說音悅槁苦老反

媒媒晦晦

無心而不可與謀彼何人哉

獨化者也○媒音妹又武朋反晦音誨李云媒媒晦

貌 舜問乎丞曰道可得而有乎曰汝身非汝有也汝何

得有夫道

夫身者非汝所能有也塊然而自有耳身非汝所有而況無哉○丞如字李云舜師也一

云古有四輔前疑後丞蓋官名夫音符塊告對反

舜曰吾身非吾有也孰有之

哉曰是天地之委形也生非汝有是天地之委和也性

命非汝有是天地之委順也

若身是汝有者則美惡死生當制之由汝今氣聚而

生汝不能禁也氣散而死汝不能止也明其委結而自成耳非汝有也○委司馬云委積也

孫子非

汝有是天地之委蛻也

氣自委結而蟬蛻也○蛻吐卧反又音悅又較外反又始銳反

又始故行不知所往處不知所持食不知所味

皆在自

故不天地之彊陽氣也又胡可得而有邪

彊陽猶運動耳明斯道也

底可以遺身而忘生也天地之強陽氣也郭云強陽猶運動耳案言天地尚運動況氣聚之生何可得執而留

也孔子問於老聃曰今日晏間敢問至道老聃曰汝齊

戒䟽瀟而心澡雪而精神掊擊而知夫道窅然難言哉

將為汝言其崖略夫昭昭生於冥冥有倫生於無形精

神生於道

皆所以明其獨生而無所資借○晏於諫反徐於顯反又於見反問音閑齊側皆反瀟音

藥或云漬也培普口反徐方垢反知音形本生於精由

智窅烏了反為于偽反無形謂太初也

形本生於精由

精以至粗○形本生於精謂常道也

而萬物以形相生故九竅者胎生八

竅者卯生

言萬物雖以形相生亦皆自然耳故胎卯不能易種而生明神氣之不可為也○竅者

反卯力管反
種章勇反

其來無迹其往無崖無門無房四達之皇

皇也

夫率自然之性遊無迹之塗者放形骸於天地之間寄精神於八方之表是以無門無房四達皇皇

逍遙六合與
化偕行也

邀於此者四枝彊思慮恂達耳目聰明其

用心不勞其應物無方

人生而遇此道則天性全而精神定○邀古堯反思息嗣反恂

音天不得不高地不得不廣日月不得不行萬物不得

不昌此其道與

言此皆不得不然而自然耳非道能使然也○天不得不高謂不得一道不能

為高也與音
餘下皆同

且夫博之不必知辯之不必慧聖人以斷

之矣

斷棄知慧而付之自然也博之不必知博觀異書為博斷端管反註同

若夫益之而

不加益損之而不加損者聖人之所保也

使各保其正分而已故無

用知慧為也

淵淵乎其若海

容量

魏魏乎其終則復始也

與化

俱者乃積無窮之紀可謂魏魏○魏魏魚威反復扶又反

運量萬物而不匱

用物而不役已

故不匱也○運量音亮萬物而不匱求位反謂任物自動物物各足量也

則君子之道彼其

外與

各取於身而足

萬物皆往資焉而不匱此其道與

運用物故我不

匱此明道之瞻物在於不瞻不瞻而物自得故曰此其道與言至道之無功無功乃足稱道也○瞻涉艷反下

同中國有人焉非陰非陽

無所偏名

處於天地之間直且為

人其然自放所遇而安了無將反於宗不逐自本觀之

生者音醜醜物也

直聚氣也○音陰郭音闇李音飲一音於感反醜於界反郭於感反李音意

一音他感反李郭皆云音醜聚氣貌

雖有壽夭相去幾何須臾之說也奚

足以為堯桀之是非

死生猶未足殊況壽夭之間哉○幾居豈反

果蓏有理

物無不理但當順之○蓏徐力果反

人倫雖難所以相齒

人倫有知慧之變故難也然其

知慧自相齒耳但當從而任之

聖人遭之而不違

順所遇也

過之而不守

宜過

而調而應之德也偶而應之道也

調偶和合之謂也

帝之所興

王之所起也

如斯而已

人生天地之間若白駒之過卻忽然

而已

乃不足惜○白駒或云日也卻去逆反本亦作隙隙孔也

注然勃然莫不出焉

油然漻然莫不入焉

出入者變化之謂耳言天下未有不變也○勃步忽反油音由漻音

流李音礫

已化而生又化而死

俱是化也

生物哀之

死物不良

人類悲

之死類解其天殒墮其天袞

獨脫也○天殒敕刀反字林云弓衣也墮許規反袞

陳筆反

紛乎宛乎

變化細煨○宛於阮反

網音因本亦作煨音同

魂

魄將往乃身從之乃大歸乎

無為用心於其間也

不形之形形之

不形

不形形乃成若形之則敗其形矣○敗補邁反

是人之所同知也

雖知之然不能

任其自形而反形之所以多敗

非將至之所務也

務則不至

此衆人之所同

論也

雖論之然故不能不務所以不至也

彼至則不論

○悅然不覺乃至

論

則不至明見無值

乃值至

辯不若默道不可聞聞不若塞

此之謂大得

默而塞之則無所奔逐故大得

東郭子問於莊子曰所謂

道惡乎在莊子曰無所不在東郭子曰期而後可

欲令莊子

指名所在○東郭子李云居東郭也惡音烏令力呈反

莊子曰在螻蟻曰何其下

邪曰在稊稗曰何其愈下邪曰在瓦甓曰何其愈甚邪

曰在屎溺東郭子不應莊子曰夫子之問也固不及質

舉其標質言無所不在而方復性此斯不及質也○螻力侯反蟻魚綺反稊大西反本又作稊稊步計反本又

作裨蒲賣反李云梯裨二草名覽本又作磬步
歷反屎尸音反舊詩旨反本或作夭溺乃弔反
正獲之

問於監市履狶也每下愈況

狶大豕也夫監市之履豕以知其肥瘦者愈履其難

肥之處愈知豕肥之要今問道之所在而每況之於下賤則明道之不逃於物也必矣○正獲之間於監古街

反市履狶虛豈反每下愈況李云正亭卒也獲其名也監市市魁也狶大豕也履踐也夫市魁履豕履其股脚

狶難肥處故知豕肥耳問道亦況下賤則知道也瘦色救反處昌慮反汝唯莫必無乎逃物

若必謂無之逃物則道不周矣道而不周則未足以為道至道若是大言亦然

明道不逃

物周徧咸三者異名同實其指一也嘗相與遊乎無何

有之宮同合而論無所終窮乎

若遊有則不能周徧咸也故同合而論之然後

知道之無不在知道之無不在然後能
曠然無懷而遊彼無窮也○偏音遍

嘗相與無為乎

澹而靜乎漠而清乎調而間乎

此皆無為故也○澹徒暫反間音閑

寥已

吾志

寥然空虛○寥音遼

無往焉而不知其所至

志苟寥然則無所往矣無往焉

故往而不知其所至有往焉則理未動
而志已驚矣○驚如字本亦作驚音務

去而來不知其

所止

斯順之也

吾已往來焉而不知其所終

但往來不由於知耳不為不往

來也往來者自然之
常理也其有終乎

彷徨乎馮閎大知入焉而不知其

所窮

馮閎者虛廓之謂也大知遊乎寥廓恣變化之所如故不知也○仿音旁本亦作傍徨音皇馮皮米

反又普耕反又步耕反閎音宏李
云馮宏皆大也郭云虛廓之謂也
物物者與物無際明物

物者無物而物自物耳物自物耳故冥也

而物有際者所謂物際者也

物有際故

每相與不能冥然真所謂際者也

不際之際際之不際者也

不際者雖有物物之

名直明物之自物耳物者竟無物也際其安在乎

謂盈虛衰殺彼為盈虛非盈

虛彼為衰殺非衰殺彼為本末非本末彼為積散非積

散也

既明物物者無物又明物之不能自物則為之者誰乎哉皆忽然而自爾也○殺色界反徐所例反

下同 何荷甘與神農同學於老龍吉神農隱几闔戶晝暝

何荷甘日中參戶而入曰老龍死矣神農隱几擁杖而

起嘿然放杖而笑

起而悟夫死之不足驚故還放杖而笑也○何於河反荷音河本或作苛

老龍吉李云懷道人也隱於新反下同閭戶臘反瞑音
眠參郭處野反又音奢徐都嫁反又處夜反司馬云開
也音剝又孚邈反又孚貌反李曰天知予僻陋慢訑
云放杖聲也投杖本亦作放杖

故棄予而死已矣夫子無所發予之狂言而死矣夫

肩自

吾已下皆以至言為狂而不信也故非老龍連叔之徒
莫足與言也○僻匹亦反慢武半反徐無見反郭如字

訑徒旦反徐徒見反郭音但夫音符 弇堦弔聞之曰夫體道者天下之君

子所繫焉

言體道者人之宗主○弇音奄堦音剛弔李
云弇堦體道人弔其名繫焉謂為物所歸投

也今於道秋豪之端萬分未得處一焉

秋豪之端細矣
又未得其萬分

一而猶知藏其狂言而死又況夫體道者乎

明夫至道
非言之所

得也唯在
乎自得耳

視之無形聽之無聲於人之論者謂之冥冥

所以論道而非道也

冥冥而猶復非道明道之無名也○復扶又反

於是泰清

問乎無窮曰子知道乎無窮曰吾不知又問乎無為無
為曰吾知道曰子之知道亦有數乎曰有曰其數若何
無為曰吾知道之可以貴可以賤可以約可以散此吾
所以知道之數也泰清以之言也問乎無始曰若是則
無窮之弗知與無為之知孰是而孰非乎無始曰不知
深矣知之淺矣弗知內矣知之外矣於是泰清中而歎

曰弗知乃知乎知乃不知乎孰知不知之知凡得之不由於知乃

冥也○與無為之知無始曰道不可聞聞而非也道不

可見見而非也道不可言言而非也故默成乎不聞不見之域而後至焉

知形形之不形乎形自形耳形形者竟無物也道不當名有道名而竟無物故

名之不無始曰有問道而應之者不知道也雖問道者

亦未聞道不知故問問之而應則非道也不應則非問者所得故雖問之亦終不聞也道無

問問無應絕學去教而歸於自然無問問之是問窮也

所謂無應應之是無內也實無而假有以應者外矣以無內待問窮

若是者外不觀乎宇宙內不知乎大初是以不過乎崐

崙不遊乎大虛

若夫婁落天地遊虛涉遠以入乎冥冥者不應而已矣○大初音泰婁力男反

光曜問乎無有曰夫子有乎其無有乎光曜不得問而

孰視其狀貌窅然空然終日視之而不見聽之而不聞

搏之而不得也光曜曰至矣其孰能至此乎予能有無

矣而未能無無也及為無有矣何從至此哉

此皆絕學之意也於

道絕之則夫學者乃在根本中來矣故學之善者其唯不學乎○窅烏了反搏音博

大馬之捶鉤

者年八十矣而不失豪芒

玷捶鉤之輕重而無豪芒之差也○捶郭音丁果反徐之

累反李之膳反大馬司馬也司馬郭云捶者玷捶鉤之輕重而不失之豪芒也或說云江東三魏之間人皆謂鉤為捶音字亦同郭失之今不從此說也玷丁恬反大馬曰子巧與有道與曰臣

有守也臣之年二十而好捶鉤於物無視也非鉤無察也是用之者假不用者也以長得其用而況乎無不用

者乎物孰不資焉

都無懷則物來皆應○與音餘下同好呼報反長丁丈反

冉求問

於仲尼曰未有天地可知邪仲尼曰可古猶今也

言天地常

存乃無未有之時

冉求失問而退明日復見曰昔者吾問未有

天地可知乎夫子曰可古猶今也昔者吾昭然今日吾

昧然敢問何謂也仲尼曰昔之昭然也神者先受之

虛心

以待命斯神受也○今之昧然也且又為不神者求邪

復扶又反見賢遍反○思求更致不了
○為于偽反 無古無今無始無終

非唯無不得化而為有也有亦不得

化為無矣是以夫有之為物雖千變萬化而不得一為無也不得一為無故自古無未有之時而常存也

未有子孫而有子孫可乎

言世世無極○言其要有由不得無故而有傳世故有子

孫不得無子而有孫也如是天地不得先無而今有也

冉求未對仲尼曰已矣未

應矣不以生生死

夫死者獨化而死耳非夫生者生此死也

不以死死生

死者

亦獨化而生耳死生有待邪

獨化而足

皆有所一體

死與生各自成體

有先

天地生者物邪物者非物物出不得先物也猶其有

物也猶其有物也無已

誰得先物者乎哉吾以陰陽為先物而陰陽者即所謂物耳誰

又先陰陽者乎吾以自然為先之而自然即物之自爾耳吾以至道為先之矣而至道者乃至無也既以無矣又奚為自然則先物者誰乎哉而猶有物無已明聖人物之自然非有使然也○有先悉薦反下及注同

之愛人也終無已者亦乃取於是者也

取於自爾故恩流百代而不廢

也顏淵問乎仲尼曰回嘗聞諸夫子曰無有所將無有

所迎回敢問其遊仲尼曰古之人外化而內不化

以心順形

而形自化今之人內化而外不化

以心使形

與物化者一不化者

也

常無心故一不化一不化乃能與物化耳

安化安不化

化與不化皆任彼耳斯無心也

安

與之相靡

直無心而恣其自化耳非將迎而靡順之

必與之莫多

不將不迎則足而止

狝韋氏之圃黃帝之圃有虞氏之宮湯武之室

言夫無心而任

化乃羣聖之所遊處○圓音又圓布五反又音布

君子之人若儒墨者師故以

是非相整也而況今之人乎

整和也夫儒之師天下之難和者而無心者猶故和

之而況其凡乎○整子兮反和也

聖人處物不傷物

至順也

不傷物者物

亦不能傷也

在我而已

唯無所傷者為能與人相將迎

無心故至

順至順故能無所將迎而義冠於將迎也○冠古亂反

山林與臯壤與使我欣欣

然而樂與

山林阜壤未善於我而我便樂之此為無故而樂也○與音餘下同樂音洛注下皆同

樂未畢也哀又繼之

夫無故而樂亦無故而哀也則凡所樂不足樂凡所哀不足哀也

哀樂之來吾不能禦其去弗能止悲夫世人直謂物逆

旅耳

樂不能坐忘自得而為哀樂所寄也○樂魚呂反

夫知遇而不知所不遇

知之

所遇者即知之知之所不遇者即不知也

知能能而不能所不能

所不能者不能強能

也由此觀之知與不知能與不能制不由我也當付之自然耳○強其大反

無知無能者固

人之所不免也

受生各有分也

夫務免乎人之所不免者豈不

亦悲哉至言去言至為去為


皆自得也

齊知之所知則淺矣

夫由知而後得者假學者耳
故淺也○齊才細反又如字



莊子卷七



總校官庶吉士臣張能照

校對官中書臣范鰲

謄錄監生臣鄒世俊

欽定四庫全書薈要

子部
莊子卷八



詳校官主事臣陳木

欽定四庫全書薈要卷一萬一千九十一

子部

莊子卷八

晉郭象註

唐陸德明音義

莊子雜篇庚桑楚第二十三

音義曰以人名篇

老聃之後有庚桑楚者偏得老聃之道以北居畏壘之

山其臣之畫然知者去之其妾之挈然仁者遠之

畫然知

挈然矜仁○老聃之役司馬云役學徒弟子也廣雅云役使也庚桑楚司馬云楚名庚桑姓也太史公書作亢桑偏向音篇畏本或作岷又作猥同烏罪反向於鬼反壘崔本作累同力罪反向良裴反李云岷壘山名也或

云在魯又云在梁州畫音獲知音智注同學本又作契

同苦計反向云知也又苦結反廣雅云提也達于萬反

司馬云言人以仁智為擁腫之與居擁腫朴也○擁於

臣妾庚桑悉弃仁智也

亦作

鞅掌之為使

鞅掌自得○鞅於丈反崔云擁腫無

踵

謂司馬云

皆醜貌也

居三年畏壘大壤畏壘之民相與言曰庚桑

子之始來吾灑然異之

異其棄智而任愚○壤而掌反

雅云豈也灑素殄反又悉禮

反崔李云驚貌向蘇狼反

今吾日計之而不足歲計

之而有餘

夫與四時俱者無近功○日計之而不足向

云無旦夕小利也歲計之而有餘向云順時

而大

庶幾其聖人乎子胡不相與尸而祝之社而稷之

穰也

乎庚桑子聞之南面而不釋然弟子異之庚桑子曰弟

子何異於予夫春氣發而百草生正得秋而萬寶成夫

春與秋豈無得而然哉天道已行矣

夫春秋生成皆得自然之道故不為也○

正得秋而萬寶成天地以萬物為寶至秋而成也元嘉本作萬寶大道已行矣本或作天道

吾聞至

人尸居環堵之室而百姓倡狂不知所如往

直自往耳非由知也○環

如字廣雅云圓也堵丁魯反司馬云一丈曰堵環堵者面各一丈言小也

今以畏壘之細民而

竊竊焉欲俎豆予于賢人之間我其杓之人邪

不欲為物標杓○俎

側呂反崔云俎豆食我於衆人間杓郭音的又匹么反又音弔廣雅云樹末也王云斯由已為人準的也向云

馬氏作鮪音的標必
遙反一音必小反

吾是以不釋於老聃之言

聃云功成事遂

而百姓皆謂我自爾
畏壘反此故不釋然

弟子曰不然夫尋常之溝巨魚無

所還其體而鯢鮪為之制步仞之丘陵巨獸無所隱其

軀而夔狐為之祥

弟子謂大人必有豐祿也○尋常之溝八尺曰尋倍尋曰常尋常之溝則

周禮洳澮之廣深也洳廣深八尺澮廣二尋深二仞也還音旋回也崔本作達鮪五兮反鮪音秋為之制廣雅云制折也謂小魚得曲折也王云制謂攬之也鮪鮪專制於小溝也步仞六尺為步七尺曰仞廣一步高一仞也孔安國云八尺曰仞小爾雅云四尺曰仞夔魚竭反狐為之祥李云祥怪也狐狸意為妖夔言各有宜不失則大人有豐祿也王云野狐依之作妖且夫尊賢授能祥也崔云蠱狐以小丘為善也祥善也

先善與利自古堯舜以然而况畏壘之民乎夫子亦聽

矣庚桑子曰小子來夫函車之獸介而離山則不免於

罔罟之患吞舟之魚碣而失水則蟻能苦之故鳥獸不

厭高魚鼈不厭深

去利遠害乃全○函音含車之獸李
云獸大如車也一云大容車介音戒

廣雅云獨也又古黠反

一本作分謂分張也元嘉本同

離力智反下註同吞教恩反又音天碣而失水徒浪反

謂碣溢而失水也崔本作去水陸居也蟻

夫全其形生

魚綺反苦如字向云馬氏作最又作窮

之人藏其身也不厭深眇而已矣

若嬰身於利棣則粗
而淺○眇彌小反粗

七奴反
後皆同

且夫二子者又何足以稱揚哉

二子謂堯舜○
二子向崔郭皆

云堯舜也。是其於辯也將妄鑿垣墻而殖蓬蒿也。

將令後世妄行穿鑿

而殖穢亂也。○蓬

簡髮而櫛數米而炊

理錐刀之末也。而櫛莊筆反。

蒲空反。令力呈反。

又作欸。亦作柳。皆同。郭音節徐側。奠反。

數色主反。炊昌垂反。向云理於小利也。

竊竊乎又何足

竊竊如字。司舉

以濟世哉。

混然一之無所治為乃濟。○竊竊如字。司舉。馬云細語也。一云計按之貌。崔本作察察。舉

賢則民相軋。

將戾拂其性以待其所尚。○軋烏黠反。向音乙拂符弗反。

任知則民相

盜。

真不足而以知繼之則偽矣。偽以求生非盜如何。○知音智注同。

之數物者不足以

厚民。民之於利甚勤。子有殺父。臣有殺君。正晝為盜。日

中穴。阮

無所復顧。○殺音試。本又作弑。下同。阮善回反。向音裴。云阮墻也。言無所畏忌。

吾語汝

大亂之本必生於堯舜之間其末存乎千世之後千世

之後其必有人與人相食者也

堯舜遺其迹飾偽播其後以致斯弊○語羔據

反女音汝後皆放此

南榮趺蹇然正坐曰若趺之年者已長矣將

惡乎託業以及此言邪庚桑子曰全汝形

守其分也○南榮趺昌于

反向音疇一音紹俱反徐直俱反又救俱反又處由反

李云庚桑弟子也漢書古今人表作南榮疇或作儔又

作壽淮南作南榮疇云救蹻蹻步百舍不休亦作疇

楚子六反長丁丈反惡音烏分扶問反後以意求之抱

汝生

無攬乎其生之外也

無使汝思慮營營若此三年則可以及

此言也南榮趺曰目之與形吾不知其異也而盲者不

能自見耳之與形吾不知其異也而聾者不能自聞心

之與形吾不知其異也而狂者不能自得

目與目耳與耳心與心其

形相似而所能不同苟有不同則不可強相法效也○思息吏反下同強其丈反下章可強同

形之與

形亦辟矣

未有閉之○辟婢亦反開也崔云相著也音必亦反

而物或間之邪欲

相求而不能相得

兩形雖開而不能相得將有間也○間間廁之間注同

今謂赧

曰全汝形抱汝生勿使汝思慮營營赧勉聞道達耳矣

早間形隔故難化也○勉崔向云勉強也本或作晚達耳崔向云僅達於耳未徹入於心也

庚桑子

曰辭盡矣曰奔蜂不能化藿蠋越鷄不能伏鵠卵魯雞

固能矣雞之與雞其德非不同也有能與不能者其才

固有巨小也今吾才小不足以化子子胡不南見老子

南榮趯羸糧七日七夜至老子之所老子曰子自楚之

所來乎南榮趯曰唯老子曰子何與人皆來之衆也三挾

言而來故○奔蜂乎恭反司馬云奔蜂小蜂也一云土

蜂藿蠟音蜀司馬云豆藿中大青蟲也越雞司馬向云

小雞也或云荆雞也伏扶又反鶴本亦作鶴同戶各反

一音戶沃反卯力管反魯雞向云大鷄也今蜀雞也羸

音盈案方言羸儋也齊楚陳宋之間

謂之羸一音果唯惟癸反挾音協南榮趯懼然顧其

後老子曰子不知吾所謂乎南榮趯俯而慙仰而歎曰

今者吾忘吾答因失吾問老子曰何謂也南榮趯曰不知乎人謂我朱愚知乎反愁我軀不仁則害人仁則反愁我身不義則傷彼義則反愁我已我安逃此而可此三言者趯之所患也願因楚而問之老子曰向吾見若眉睫之間吾因以得汝矣今汝又言而信之若規規然若喪父母揭竿而求諸海也汝亡人哉惘惘乎汝欲反汝情性而無由入可憐哉南榮趯請入就舍召其所好去其所惡十日自愁復見老子老子曰汝自灑濯孰哉

鬱鬱乎然而其中津津乎猶有惡也夫外韞者不可繁

而捉將內捷內韞者不可繆而捉將外捷

捷關捷也耳目外也心術

內也夫全形抱生莫若忘其心術遺其耳目若乃聲色
韞於外則心術塞於內欲惡韞於內則耳目喪於外固
必無得無失而後為通也○懼向紀具反本又作懼音
同又況縛反吾問元嘉本問作聞向本又作嚮同脫音
接釋名云目毛也規規李云失神貌一云細小貌喪息
浪反注同揭其列其謁二反竿音干求諸海向云言以
短小之物欲測深大之域也女亡人崔云喪亡性情之
人也好呼報反去起呂反惡烏路反注同復扶又反濯
丈角反鬱鬱崔云孰洒貌津津如字崔本作律律云惡
貌有惡李云惡計未盡也獲向音霍崔云恢廓也又如
字本亦作韞音獲又乙號反又烏邈反又音羈李云縛
也三蒼云佩刀鞞韞也捉徐側角反崔作促云迫促也

提郭其輦反徐其偃反關也向云閑也又音蹇
下同繆莫侯反又音稠結也崔向云綢繆也

外內韍

者道德不能持而况放道而行者乎

偏韍由不可況外內俱韍乎將耳目

眩惑於外而心術流蕩於內雖繁手以執之綢繆以持之弗能止也○放如字向方往反云依也

南榮

越曰里人有病里人問之病者能言其病然其病病者

猶未病也若越之聞大道譬猶飲藥以加病也越願聞

衛生之經而已矣老子曰衛生之經能抱一乎

不離其性○加

如字元嘉本作知病崔本作駕云加也衛生李云防衛其生今合道也

能勿失乎

還自能得也

無卜筮而知吉凶乎

當則吉過則凶無所卜也○當丁浪反後放此

能止乎

止於

分能已乎

無追故迹

能舍諸人而求諸己乎

全我而不效彼舍音捨下同

能翛然乎

無停迹也○翛音蕭徐始六反又音育崔本作隨云順也

能侗然乎

無節礙也

○侗本又作洞大董反又音勸向救動反云直而無累之謂三蒼云穀直貌崔同字林云大也礙五代反能

兒子乎兒子終日嗥而噉不噉和之至也

任聲之自出不由於喜怒

○嗥戶羔反本又作號音同而噉音益崔云喉也司馬云咽也李音厄謂噉也一本作而不噉案如李音有不

字噉於邁反本又作噉徐音憂司馬云楚人謂啼極無聲為噉崔本作喝云啞也

終日握而手

不捫其德也

任手之自握非獨得也○握李云捲手曰握捫五禮反向音藝崔云寄也廣雅

云捫也共其如字崔云壹也

終日視而目不瞋偏不在外也

任目之自見非

係於色也○腠字又作瞬同音舜
動也本或作膜莫經反偏徐音篇
行不知所之任足之自行無

趣所居不知所為縱體而與物委蛇斯順之也○委於危反蛇以支反而

同其波物波亦波是衛生之經已南榮越曰然則是至人之

德已乎若能自改而用此言便欲自謂至人之德曰非也是乃所謂氷解凍

釋者能乎明非自爾○解音蟹夫至人者相與交食乎地而交樂乎

天自無其心皆與物共○交崔云交俱也李云共也樂音洛不以人物利害相撓不

相與為怪不相與為謀不相與為事翛然而往侗然而

來是謂衛生之經已曰然則是至乎謂已便可得此言而至邪○撓於營

反徐又音軀廣雅云

亂也崔云猶貫也 曰未也吾固告汝曰能兒子乎

非以

此言為不至也但能聞而學者非自至耳苟不自至則雖聞至言適可以為經胡可得至哉故學者不至至者不學也 兒子動不知所為行不知所之身若槁木之枝而

心若死灰若是者禍亦不至福亦不來禍福無有惡有

人災也

禍福生於失得人災由於愛惡今槁木死灰無情之至則愛惡失得無自而來○槁若老反惡

有音烏愛惡

宇泰定者發乎天光

夫德與泰然而定則其所發者天光耳非

烏路反下同 人耀○宇泰定王云宇器宇

發乎天光者人見其人

天光

也謂器宇間泰則靜定也

自發則人見其人物見其物物各人有脩者乃今有恒

人而脩人則自得矣所以常泰有恒者人舍之天助之常泰故能反居我宅而自然獲

也助人之所舍謂之天民天之所助謂之天子出則天子處則天民

此二者俱以泰然而自得之非為而得之也學者學其所不能學也行行者行

其所不能行也辯者辯其所不能辯也凡所能者雖行非為雖習非學

雖言非辯○學者學其所不能學也言人皆欲學其所不能知凡所能者故是能於所能夫能於所能者則雖

習非知止乎其所以不能知至矣知故止斯至也若有

不即是者天鈞敗之意雖欲為為者必敗理終不能○敗補邁反或作則元嘉本作則

備物以將形因其自備而順其成藏不虞以生心心自生耳

非虞而出之虞者億敬中以達彼理自達彼耳非若是度之謂○度待洛反慢中而敬外

而萬惡至者皆天也

天理自有窮通

而非人也

有為而致惡者乃是人

不

足以滑成

安之若命故其成不滑○滑音骨

不可內於靈臺

靈臺者心也清暢故

憂患不能入○靈臺紫謂心有靈智能任持也許慎云人心以上氣所往來也

靈臺者有持

有持

者謂不動於物耳其實非持

而不知其所持

若知其所持則持之

而不可持者

也持則不見其誠已而發

此妄發作○不見其誠已而發謂不自照其內而外馳也

每發而不當

發而不由己誠何由而當○每發而不當丁浪反爾雅云每雖也謂雖有發動不中

當業入而不舍

事不居其分內

每更為失

發由己誠乃為得也

為不善乎

顯明之中者人得而誅之為不善乎幽閒之中者鬼得

而誅之明乎人明乎鬼者然後能獨行

幽顯無愧於心則獨行而不懼

○間券內者行乎無名

券分也夫遊於分內者行不由於名○券字又作卷徐音勸券

分符問反下同崔云券分明也則宜方云反

券外者志乎期費

有益無益期欲損已以為

物也○期費芳貴反下同廣雅云期卒也費耗也言若存分外而不止者卒有所費耗也為干偽反

行乎

無名者唯庸有光

本有斯光因而用之

志乎期費者唯賈人也

雖已

所無猶借彼而販賣也○賈音古

人見其跂猶之魁然

夫期費者人已見其跂矣而猶

自以為安○人見其跂猶之魁若回反安也一云主也然謂衆人已見其跂求分外而猶自安可羞愧之甚也

與物窮者物入焉

終窮謂始

與物且者其身之不能容焉能

容人

且謂券外而跂者跂者不立焉能自容不能自容焉能容人人不獲容則去也○物且且始也焉於

度反

不能容人者無親無親者盡人

身且不能容則雖已非已況能有親

乎故盡是他人

兵莫憐於志鎔錙為下

夫志之所撓樵火疑水故其為兵甚於劍戟也

潛

○憐七坎反廣雅云痛也元嘉本作鎔音莫錙也嗟反鎔錙良劍名

寇莫大於陰陽無

所逃於天地之間非陰陽賊之心則使之也

心使氣則陰陽徵結

於五

藏而所在皆陰陽也故不逃○藏才浪反後皆放此

道通其分也其成也毀

也

成毀無常分而道皆通○分符問反注及下皆同一音方云反

所惡乎分者其分也

以備

不守其分而求備焉所以惡分也○惡鳥路反下及注皆同

所以惡乎備者其

有以備

本分不備而有以求備所以惡備也若其本分素備豈惡之哉

故出而不反見

其鬼

識不反守其分內則其死不久○故出而不反謂情識外馳而不反觀於內也見其鬼王云永淪危殆

資死之術已行及

出而得是謂得死

生○出而無得乃得

之死故曰見鬼也

出而得是謂得死

生○出而得是謂

得死若情識外馳以為得

者是曰得死耳非理也

減而有實鬼之一也

雖有斯生何異於鬼○滅而有實鬼之一也廣雅云滅

殄也盡也實塞也既殄塞純朴之道而外馳澆薄之境

雖復行尸於世與以有形者象無形者而定矣

雖有斯

鬼何別故云鬼一也

以有形者象無形者而定矣

全而形定也

出無本

歟然自生非有本

入無竅

歟然自死非有根○出無

本入無竅若弔反出生也入死也本始也竅孔也所以知有形累於無形者以其出入無本竅故也歟訓勿反

有實而無乎處有長而無乎本剝有所出而無竅者有

實

言出者自有實耳其所出無根竅以出之○處昌據反下注同長丁丈反增也又如字下注同剝本亦作

標同甫小反崔云未也李旆遙反徐又敷遙反下同所出夫生必有所出也而無此明所出是無也既是無矣何能有所出邪竅者有實既言有有實而無乎處者字

竅竅必有實求實不得竅亦無也

有實而無乎處者字

也

字者有四方上下而四方上下未有窮處○有實而無乎處者字也三蒼云四方上下為字字雖有實而

無定處有長而無本剝者宙也

宙者有古今之長而古

可求也

無本剝者宙也三蒼云往古來今日宙說文曰舟輿所極覆為宙長猶增也本始也宙雖有增長亦不知其始

末所至者也

有乎生有乎死有乎出有乎入出而無見其

形

死生出入皆歟然自爾無所由故無所見其形

是謂天門

天門者萬物之都名也謂之天門猶

云衆妙之門也

天門者無有也萬物出乎無有

死生出入皆歟然自爾未有為

之者也然則聚散隱顯故有出入之名徒有名耳竟無出入門其安在乎故以無為門以無為門則無門也

有不能以有為有

夫有之未生以何為生乎故必自有耳豈有之所能有乎

必出乎

無有

此所以明有之不能為有而自有耳非謂無能為有也若無能為有何謂無乎

而無有一

無有

一無有則遂無矣無者遂無則有自歟生明矣聖人藏乎是

任其自生而不生生

古

之人其知有所至矣惡乎至有以為未始有物者至矣

盡矣弗可以加矣其次以為有物矣將以生為喪也

其喪

散而之乎聚也○惡音烏喪息浪反注同

以死為反也

還融液也○液音亦

是以分已

雖欲均之然已分矣○分方云反注同

其次曰始無有既而有生生俄而

死以無有為首以生為體以死為尻孰知有無死生之

一守者吾與之為友是三者雖異公族也

或有而無之或有而一之

或分而齊之故謂三也此三者雖有盡與不盡然俱能無是非於胷中故謂之公族○為尻苦羔反

昭景

也著戴也甲氏也著封也非一也

此四者雖公族然已非一則向之三者已

復差之○昭景也著丁略反又張慮反戴本亦作載甲氏也著張慮反久也又丁略反封也非一也一說云昭

景甲三者皆楚同宗也著戴者謂著冠世世處楚朝為
 衆人所戴仰也著封者謂世世處封邑而光著久也昭
 景甲三姓雖異論本則同也崔云昭景二姓楚之所顯
 戴皆甲姓顯封雖非一姓同出公族喻死生同也此兩
 說與註不同聊出有生黠也直聚氣也○賈徐於減反
 之耳復扶又反司馬云烏簞反云簞有疵
 也有疵者欲披除之李烏披然曰移是則披然而有分
 感反字林云釜底黑也披然曰移是則各是其所是
 也是無常在故曰移○披普皮反然曰嘗言移是非所
 移是或云緘然聚而生披然散而死也嘗言移是非所
 言也所是之移已雖然不可知者也不言其移則其移
 著於言前矣雖然不可知者也不言其移則其移
 臘者之有脆胲可散而不可散也物各有用○臘力闔
 反脆音毗司馬云牛
 百葉也本或作毘音毘犛也胲古來反足大指也崔云
 備也案臘者大祭備物而穀有脆胲此雖從散禮應具

不可散棄也

觀室者周於寢廟又適其偃焉

偃謂屏廁○偃於晚反司馬郭

皆云屏廁也又於建反屏步定反又必領反下同

為是舉移是

寢廟則以饗燕屏廁則以偃溲

當其偃溲則寢廟之是移於屏廁矣故是非之移一彼一此誰能常之故至人因而乘之則均耳○為于偽反

留反

請嘗言移是是以生為本

物之變化無時非生則所在皆本也

以

知為師

所知雖異而各師其知

因以乘是非

乘是非者無是非也

果有名實

物之名實

因以已為質

質主也物各謂己是足以為是非之主

使人以為

已節

人皆謂己是故莫通

因以死償節

當其所守非真脫也○償常亮反廣雅云償報也復

也案謂殺身以成名節成而身死故曰以死償節

若然者以用為知以不用為

愚以徹為名以窮為辱

不能隨所遇而安之○知音智

移是今之人也

玄古之人無是無非何移之有

是蜩與學鳩同於同也

○同共是其所同○蜩音條其本

或作鶯音同

踉市人之足則辭以放鶯

稱已脫誤以謝之○踉女展反司馬李云

陷也廣雅云履也驚五報反廣雅云妄也

兄則以嫗

言嫗詡之無所辭謝○嫗於禹反注同詡况所

反大親則已矣

明恕素足

故曰至禮有不人

不人者視人若已視人若已則

不相辭謝斯乃禮之至也

至義不物

各得其宜則物皆我也

至知不謀

謀而後知非自

然至仁無親

譬之五藏未曾相親而仁已至也○曾才能反

至信辟金

金玉者小信之

質耳至信則除矣○辟必領反除也又婢亦反

徹志之勃解心之謬去德之累

達道之塞貴富顯嚴名利六者勃志也容動色理氣意

六者謬心也惡欲喜怒哀樂六者累德也去就取與知

能六者塞道也此四六者不溫胃中則正正則靜靜則

明明則虛虛則無為而無不為也溫動也○勃本又作悖同必妹反謬如字

一本作繆亡侯反亦音謬六起呂反惡烏路反樂音洛

累古尉反後註同知音智盪本亦作蕩徒黨反又徒良

反又生道者德之欽也生者德之光也性者生之質也

性之動謂之為以性自動故稱為耳此乃真為之偽謂

之失知者接也知者謨也知者之所不知猶晚也夫目之能

視非知視而視也。不知視而視，不知知而知耳。所以為自然者，知而後為，則知偽也。○脫魚計反。又五體反。視也。動以不得已之謂德。若得已而動，則為強動者耳。故失也。動無非我之

謂治

動而效彼則亂
○治直吏反

名相反而實相順也

有彼我之名
故反名得其

實則

昇工乎中微而拙乎使人無已譽

善中則善取譽
矣理常俱○昇

五計反。徐又戶計反。中丁聖人工乎天而拙乎人

任其自然

天也。有心

夫工乎天而俚乎人者，唯全人能之

工於天
即俚於

人矣。謂之全人，全人則聖人也。○俚音良。崔云：良工也。又音良。唯蟲能蟲，唯蟲能天

還

守蟲即是能天。○唯蟲一本。唯作雖。下句亦爾。言蟲自能為蟲者，天也。

全人惡天，惡人之

天而況吾天乎人乎

都不知而任之斯而謂工乎天○惡天烏路反下同

一雀適

羿羿必得之威也

威以取物物必逃之○威崔本作或

以天下為之籠則

雀無所逃

天下之物各有所好所好各得則逃將安在○籠力東反好呼報反下及注同

是故

湯以胞人籠伊尹秦穆公以五羊之皮籠百里奚是故

非以其所好籠之而可得者無有也介者侈畫外非譽

也畫所以飾容貌也則者之貌既以虧殘則不復以好醜在揀故侈而棄之○胞本又作庖白交反籠伊尹

伊尹好厨故湯用為庖人籠百里奚百里奚好秦而拘於宛故秦穆公以五羊皮贈之於楚也或云百里好五色皮裘故因其所好也介音界又云則也又古點正反廣雅云獨也崔本作瓦侈畫敕紙反又音他又與紙反

本亦作移司馬云畫飾容之具無是故不復愛之胥靡
一云移離也崔云移畫不拘法度也復扶六反

登高而不懼遺死生也

無賴於生故不畏死○胥靡司馬云刑徒人也一云瘞人也崔

云腐刑也夫復詔不餽而忘人

不識人之所惜○復音服徐扶又反詔音習餽其愧反廣

雅云遺也一音愧元嘉本作愧忘人復者溫復之謂也詔詖也夫人詖習者雖復小事皆所至惜今溫復人之所習既得之矣而不還歸以饋遺之此至愚不獲人之所習者也無復相為之情故曰忘人忘人因

以為天人矣

無人之情則自然為天人

故敬之而不喜侮之而不怒

者唯同乎天和者為然

彼形殘胥靡而猶同乎天和况天和之自然乎○侮亡甫反

出怒不怒則怒出於不怒矣出為無為則為出於無為

矣

此故是無不能生有不能為生之意也

欲靜則平氣欲神則順心有為

也欲當則緣於不得已不得已之類聖人之道

平氣則靜理足

順心則神功至緣於不得已則所為皆當故聖人以斯為道豈求無為於恍惚之外哉

莊子雜篇徐無鬼第二十四

音義曰以人名篇

徐無鬼因女商見魏武侯武侯勞之曰先生病矣苦於

山林之勞故乃肯見於寡人徐無鬼曰我則勞於君君

有何勞於我君將盈者欲長好惡則性命之情病矣君

將黜嗜欲擊好惡則耳目病矣

者欲好惡內外無可○徐無鬼緡山人魏之隱

士也司馬本作緡山人徐無鬼女商人名也李云無鬼
女商並魏幸臣武侯名擊文侯之子治安邑勞之力報
反唯山林之勞一字如字餘并下章並力報反盈者時
志反下注同長丁文反好呼報反下注下章同惡烏路
反下注下章同黜救律反退也本又作出音同司馬本
作出擊若田反又口閑反爾雅云固也崔云引去也司
馬云我將勞君君有何勞於我武侯超然不對不說其

然司馬云猶悵然也
說音悅下文大說同

少焉徐無鬼曰嘗語君吾相狗也

下之質執飽而止是狸德也中之質若視日上之質若
亡其一吾相狗又不若吾相馬也吾相馬直者中繩曲
者中鈎方者中矩圓者中規是國馬也而未若天下馬

也天下馬有成材若卹若失若喪其一若是者超軼絕

塵不知其所武侯大說而笑

夫真人之言何遜哉唯物所好之可也○語魚據反

相息亮反下皆同下之質一本無質字執飽而止司馬以執字絕句云放下之能執禽也狸德謂貪如狐狸也視日音示司馬本作視云視日瞻遠也若亡其一一身也謂精神不動若無其身也直者中繩丁仲反下皆同司馬云直謂馬齒曲謂背上方謂頭圓謂目成村字亦作才言自然已足不須教習也卹音恤失音逸司馬本作佚李云卹失皆驚竦若飛也喪息浪反下章注同其一言喪其耦也軼李音逸徐徒列反崔云徹也廣雅云過也

徐無鬼出女商曰先生獨何以說吾君乎吾所以說

吾君者橫說之則以詩書禮樂從說之則以金板六弢

奉事而大有功者不可為數而吾君未嘗啓齒

是直樂鵠以鐘

鼓耳故愁。說如字又始銳反下皆同司馬作悅從子容反板本亦作版薄版反又如字六弦吐刀反司馬崔云金版六弦皆周書篇名或云祕載也本又作六韜謂太公六韜文武虎豹龍犬也樂音洛章末同鵠一諫反

今先生何以說吾君使吾君說若此乎徐無鬼曰吾直告之吾相狗馬耳女商曰若是乎曰子不聞夫越之流

人乎去國數日見其所知而喜

各思其本性之所好。君說音悅越之流人越

遠也司馬云流人有罪自流徙者也數所主反去國旬月見所嘗見於國中者

喜及期年也見似人者而喜矣不亦去人滋久思人滋

深乎

各得其所好則無思無思則忘其所以喜也○期音基

夫逃虛空者慕翟柱

乎鼪鼪之逕跟位其空聞人足音足然而喜矣而況乎

昆弟親戚之警欬其側者乎

得所至樂則大悅也○逃司馬本作巡也虛空司馬

云故懷家處為空虛也慕力西反翟徒弔反本或作翟同柱誅矩反司馬云塞也鼪音生又音姓鼪由救反逕本亦作徑司馬云徑道也本又作跡元嘉本作迭徐音逸崔云迭跡良位其空司馬云良良人謂巡虛者也位其空謂處虛空之間也良或作跟音同足然郭巨恭反李曲恭反又曲勇反陳也徐苦江反又接扁反司馬云喜貌崔云行人之聲而喜李云喻武侯之無人君之德而處在防衛之間雖臨朝僑屬愈非其意及得其所思猶逃竄之聞人音安能不足然改貌釋然而喜也警苦頂反又音警欬若受反一音器李云警欬喻言笑也但

呼聞所好猶大悅况

久矣夫莫以真人之言警歎吾君

之側乎

所以未嘗啓齒也夫真人之言所以得吾君性也始得之而喜久得之則忘○夫音拔後放此

徐無鬼見武侯武侯曰先生居山林食芋栗厭葱韭以

賓寡人久矣夫今老邪其欲干酒肉之味邪其寡人亦

有社稷之福邪徐無鬼曰無鬼生於貧賤未嘗敢飲食

君之酒肉將來勞君也君曰何哉奚勞寡人曰勞君之

神與形武侯曰何謂邪徐無鬼曰天地之養也一

不以為君

而恣之無極○食芋音序又食汝反本亦作芋栗韭音久或非下作者非也賓必刃反本或作擯司馬云擯弃

也又必人反李云賓客也干李云干求也社稷之福邪李云謂善言嘉謀可以利社稷也

登高不可

以為長居下不可以為短君獨為萬乘之主以苦一國

之民以養耳目鼻口

如此違天地之平也○乘繩證反

夫神者不自許

也

物與之耳○不自許司馬云許與也

夫神者好和而惡姦

與物共者和也私自許者

也夫姦病也故勞之唯君所病之何也武侯曰欲見先

生久矣吾欲愛民而為義偃兵其可乎徐無鬼曰不可

愛民害民之始也

愛民之迹為民所尚尚之為愛愛已偽也○姦病王云姦者以正從邪也

謂病也所病之何也李云服而無對也或云養違天地獨恣其欲自許不損於神而以姦為病故不知所以以

此為病何為
乎偃息也

為義偃兵造兵之本也

為義則名彰
則競興競興則名彰

其真矣父子君臣懷情相
欺雖欲偃兵其可得乎

君自此為之則殆不成

從無
為為

成之耳乃凡成美惡器也

美成於前則偽生於後
故成美者乃惡器也

君雖為仁

義幾且偽哉

民將以偽繼之
耳未肯為真也

形固造形

仁義有形固
偽形必作

成

固有伐

成則顯也

變固外戰

失其常然○成固有伐變固外戰王云成功在己亦衆所不與

欲無有伐其可得乎夫偽生形造又伐焉
非本所圖勢之變也既有偽伐得無戰乎

君亦必無盛

鶴列於麗譙之間

鶴列陳兵也麗譙高樓也○鶴列李
云謂兵如鶴之列行司馬云鶴列鍾

敵也麗如字又力智反力支反鮫本亦作礁在道反
司馬郭李皆云麗譙樓觀名也案謂華麗而礁嶢

無

徒驥於鎡壇之宮

步兵曰徒但不當為義愛民耳亦無為盛兵走馬○無徒司馬云徒步也

鎡壇徐側其

無藏逆於得

得中有逆則失耳○藏一本作藏司馬本同逆於得司馬

本作德李云凡非理而貪貪得而居之此藏逆於德內者也孰有貪得而可以德不失哉固宜無藏而捨之又

云謂有貪則逆道也

無以巧勝人

守其朴而朴各有所能則平

無以謀勝人

率

真知而知各有所長則均

無以戰勝人

以道應物物服而無勝名

夫殺人之士民

兼人之土地以養吾私與吾神者其戰不知孰善勝之

惡乎在

不知以何為善則雖尅非已勝○惡音烏下同

君若勿已矣脩胷中之

誠以應天地之情而勿撓

若未能已則莫若脩己之誠○撓一營反又一盈反夫

民死已脫矣君將惡乎用夫偃兵哉

甲兵無所陳非偃也○脫音奪

黃

帝將見大隗乎具茨之山方明為御昌寓驂乘張若謂

朋前馬昆閭滑稽後車至於襄城之野七聖皆迷無所

問塗

聖者名也名生而物迷矣雖欲之乎大隗其可得乎○大隗五罪反司馬崔本作泰隗或云大司神

名也一云大道也具茨一本作次同杞咨反又音資司馬本作茨山名也司馬云在滎陽密縣東今名泰隗山

寓音禹驂乘繩證反驂乘車右也謂音習元嘉本作謂

崔同房舒氏反崔本作庖本亦作朋蒲登反徐扶恒反

前馬司馬云二人先馬導也聞音昏滑音骨稽音難後

車司馬云二人從車後襄城之野李云地名七聖黃帝

謂一方明二昌寓三張若四適遇牧馬童子問塗焉曰若

謂朋五昆閭六滑稽七也

知具茨之山乎曰然若知大隗之所存乎曰然黃帝曰

異哉小童非徒知具茨之山又知大隗之所存請問為

天下小童曰夫為天下者亦若此而已矣又奚事焉

各自

若則無事矣無事予少而自遊於六合之內予適有瞽

病有長者教予曰若乘日之車而遊於襄城之野

日出而遊

日入而息○少詩召反瞽莫豆反郭音務李云風眩貌

司馬云瞽讀曰睂謂眩睂也長丁丈反乘日之車司馬

云以日為車也今予病少痊予又且復遊於六合之外

夫為天下亦若此而已予又奚事焉

夫為天下莫過自放任自放任矣物

亦奚撓焉故我無為而民自化○
座七全反李云除也復扶又反

黃帝曰夫為天下者

則誠非吾子之事

事由民作

雖然請問為天下

令民自得必有道也

小

童辭黃帝又問小童曰夫為天下者亦奚以異乎牧馬

者哉亦去其害馬者而已矣

馬以過分為害○去起呂反下注同

黃帝再

拜稽首稱天師而退

師夫天然而去其過公則大隗至也

知士無思慮之

變則不樂辯士無談說之序則不樂察士無凌誅之事

則不樂皆囿於物者也

不能自得於內而樂物於外故各以所樂囿之則萬物不召而

自來非強之也○知音智樂音洛下不樂及注同察士李云察職也凌李云謂相凌轉誅音信廣雅云問也又

音崇又音峻一本作
圃有音又強其夾反

招世之士興朝中民之士榮官筋

力之士矜難勇敢之士奮患兵革之士樂戰枯槁之士

宿名法律之士廣治禮樂之士敬容仁義之士貴際之士

不同若此故當之者不可易其方○朝直遙反中民李

云善治民也難乃旦反槁若老反後章同宿名宿積久

也王云枯槁一生以為娛其所寢宿唯名而已治直吏反貴際謂盟會事農夫無草萊之事

則不比商賈無市井之事則不比能同則事同所以此

音庶人有旦暮之業則勸業得其志故勸百工有器械之巧則

壯事非其巧則惰○則壯李錢財不積則貪者憂物得所者

而樂也○所者權勢不尤則夸者悲勢物之徒樂變權勢

時志反樂音洛

生於遭時有所用不能無為也凡此諸士用各有時時

事變遭時則雖欲自用其

可得乎故貴賤無常

此皆順比於歲不物於易者也

士

所能各有其極若四時之不可易耳故當其時物順其

倫次則各有用矣是以順歲則時序易性則不物物而

不物非馳其形性潛之萬物終身不反悲夫不守一家

毀如何

夫萬方以要時利故有匍匐而歸者所以悲也

之能而之

○要一遙反匍音扶又音蒲匍音服又蒲北反莊子曰

射者非前期而中謂之善射天下皆羿也可乎不期而

中謂誤

中者也非善射也若謂謬中為善射是則天下惠子曰

皆可謂之羿可乎言不可也○中丁仲反注同

可莊子曰天下非有公是也而各是其所是天下皆堯

也可乎

若謂謬中者羿也則私自是者亦可謂堯矣

惠

子曰可莊子曰然則儒墨楊乘四與夫子為五果孰是

邪

若皆堯也則五子何為復相非乎

或者若魯遽者邪其弟子曰我得

夫子之道矣吾能冬爨鼎而夏造冰矣魯遽曰是直以

陽召陽以陰召陰非吾所謂道也吾示子乎吾道於是

乎為之調瑟廢一於堂廢一於室鼓宮宮動鼓角角動

音律同矣

俱亦以陽召陽而橫自以為是○魯遽音渠又其遽反季云魯遽人姓名也一云周初時

人繫七亂反又七端夫或改調一弦於五音無當也隨

調

而改○調徒弔反注鼓之二十五弦皆動無聲則無以相動有聲則

非同不應今改此一弦而二十未始異於聲而音之君

五弦皆改其以急緩為調也

已魯遽以此夸其弟子然亦以且若是者邪五子各私

所見而是

其所是然亦無異於魯遽之惠子曰令夫儒墨楊秉且

夸其弟子而未能相出也

方與我以辯相拂以辭相鎮以聲而未始吾非也則奚

若矣未始吾非者各自是也惠子莊子曰齊人躅子於

便欲以此為至○拂祛弗反

宋者其命閭也不以完投之異國使門者守之出便與

子不保其全此齊人之不慈也

然亦自以為是故為之○躡呈亦反投也司馬云齊人憎其子躡之宋使門者守之令形不全自以為是其

求鉏鐘也以束縛

○乃反以愛鍾器為是束縛恐其破傷

以小鍾而長頸又云似壺而大以束縛郭云恐其破傷案此言賤子貴鉏自以為是也

其求唐子

也而未始出域有遺類矣

唐失也失亡其子而不能遠索遺其氣類而亦未始自非

人之自是有斯謬矣○唐子謂失亡子也遺類遺亡也亡其種類故也惠施畔道而存皆猶齊人遠子而束縛

也索所百反

夫楚人寄而躡閭者

俱寄止而不能自投於高地也

夜半於無

人之時而與舟人闕未始離於岑而足以造於怨也

岸岑

也夜半獨上人船未離岸已共人闕言齊楚二人所行若此而未嘗自以為非今五子自是豈異斯哉○而與

舟人閭司馬云夜上人舩人必擠已於水也擠排也
力智反注同岑土金反徐在林反又語審反謂崖岸也
上尺
掌反
莊子送葬過惠子之墓顧謂從者曰郢人堊慢其

鼻端若蠅翼使匠石斲之匠石運斤成風聽而斲之

目瞑

恣手○從才用反郢人以井反楚都也漢書音義作優
人服虔云優人吉之善塗堊者施廣領大袖以仰塗而
領袖不汚有小飛泥誤著其鼻因令匠石揮斤而斲之
優音溫韋昭乃回反堊烏路反慢本亦作漫郭莫于反
徐莫旦反李
云猶塗也
盡堊而鼻不傷郢人立不失容宋元君聞

之召匠石曰嘗試為寡人為之匠石曰臣則嘗能斲之

雖然臣之質死久矣自夫子之死也吾無以為質矣吾

無與言之矣

非夫不動之質忘言之對則雖至言妙斷而無所用之○為寡于偽反

管仲

有病桓公問之曰仲父之病病矣可不謂云至於大病則寡人惡乎屬國而可管仲曰公誰欲與公曰鮑叔牙曰不可其為人絜廉善士也其於不已若者不比之又一聞人之過終身不忘使之治國上且鉤乎君下且逆乎民其得罪於君也將弗久矣公曰然則孰可對曰勿已則隰朋可其為人也上忘而下畔

高而不亢○大病謂死也惡音烏屬

音燭與如字又音餘鉤反也亦作拘音同又音俱上忘而下畔言在上不自高於下無背者也愧不若

皇帝而哀不已若者

故無
弃人

以德分人謂之聖以財分人

謂之賢以賢臨人未有得人者也以賢下人未有不得

人者也其於國有不聞也其於家有不見也勿已則隰

朋可

若皆聞見則事鍾於已而群下無所措手足故遺之可也未能盡遺故僅可也○下遐嫁反僅其斬

反

吳王浮於江登乎狙之山衆狙見之恂然棄而走逃

於深莽有一狙焉委蛇攫抓見巧乎王王射之敏給

疾敏

也給續括也○狙七徐反恂音舜徐音荀又思俊反司

馬云遽也恭徐仕巾反一音側市反委於危反蛇餘支

反覆具縛反徐居碧反三蒼云搏也郭又七段反司馬
云本作攫抓本又作搔素報反徐本作縣七活反司馬

本作條見賢通反巧如字或苦搏捷矢捷速也矢往雖

孝反崔本作攻射良亦反下同速而狙猶能搏

○搏

王命相者趨射之狙執死王顧謂其友顏不疑曰

音博之狙也伐其巧恃其便以教予以至此殛也戒之哉嗟乎無以汝色驕人哉顏不疑歸而師董梧以助其色去

樂辭顯三年而國人稱之

○稱其忘巧遺色而任夫素朴

獵者也趨音促急也執死司馬云見執而死也之狙也之猶是也本或作是便婢面反教司馬本作悻云狼也董梧有道者也師其德以鋤色

助士居反本亦作鋤去起呂反

南伯子綦隱几而坐仰

天而噓顏成子入見曰夫子物之尤也形固可使若槁

骸心固可使若死灰乎曰吾嘗居山穴之中矣當是時

也田禾一覩我而齊國之衆三賀之

以得見子綦為榮
○隱於新反噓音

虛見賢遍反夫物之尤也音符一本作夫子則如字山
穴之中司馬本同李云齊南山穴也一本作之口田禾
齊君也尊德
故國人慶之我必先之彼故知之我必賣之彼故鬻之

若我而不有之彼惡得而知之若我而不賣之彼惡得
而鬻之嗟乎我悲人之自喪者吾又悲夫悲人者吾又

悲夫悲人之悲者其後而日遠矣

子綦知夫為之不足
以救彼而適足以傷

我故以不悲悲之則其悲稍去而泊然無心枯槁其形
所以為日遠矣○鬻羊六反惡音烏下同喪息浪反泊

步各反

仲尼之楚楚王觴之孫叔敖執爵而立市南宜僚

受酒而祭曰古之人乎於此言已

古之言者必於會同
○觴音商李云酒器

之總名也孫叔敖素左傳孫叔敖是楚莊王相孔子未
生哀公十六年仲尼卒後白公為亂宜僚未嘗仕楚又
宣十二年傳楚有熊相宜僚則與
叔敖同時去孔子甚遠蓋寄言也曰丘也聞不言之言

矣未之嘗言

聖人無言其所言者百姓之言耳故曰不
言之言苟以言為不言則雖言出於口故

為未之嘗言

於此乎言之

今將於此
言於無言

市南宜僚弄丸而兩家

之難解孫叔敖甘寢秉羽而郢人投兵

此二子息訟以
澹泊自若而兵難

自解○難乃旦反注同解音蟹注同司馬云宜僚楚之
勇士也善弄九楚白公勝將作亂殺令尹子西子期石乞

曰市南有熊宜僚者若得之可以當五百人乃往告之不許也承之以劍不動弄丸如故曰吾亦不泄于白公遂殺子西子期歎息兩家而已宜僚不預其患甘寢秉羽如字又音翻司馬本作翬云讀曰翬或作翬翬舞者之所執崔本作翼郢人投兵司馬云言叔敖願安寢恬卧以養德於廟堂之上折衝於千里之外敵國不敢犯郢人投兵無所攻丘願有喙三尺荀所言非已則雖終身言故為未嘗言耳

代也郢楚都也

是以有喙三尺未足稱長凡人閉口未是不言○喙許穢反又丁豆反或昌銳反三尺言長也司馬云喙息也宜僚弄丸而彈難叔敖除備以折衝丘

亦有願有歎息其三尺三尺首劍

彼之謂不道之

道

彼謂二子

此之謂不言之辯

此謂仲尼○彼之謂此之謂司馬云彼謂甘寢此謂弄丸

故德總乎道之所一

道之所容者雖無方然總其大歸莫過於自得故一也○總音摠

而言休乎知之所不知至矣

言止其分非至如何

道之所一者德

不能同也

各自得耳非相同也而道一也不能同一本作相同

知之所不能知者

辯不能舉也

非其分故不能舉

名若儒墨而凶矣

夫儒墨欲同所不能同舉

所不能舉故凶

故海不辭東流大之至也

明受之無所辭所以成大

聖人并

包天地澤及天下而不知其誰氏

汎然都任

是故生無爵

有而

無之死無謚

謚所以名功不在已故雖謚而非已有

實不聚

今萬物各知足

名不立

功非已為故名歸於物

此之謂大人

若為而有則小矣

狗不以善吠為良

人不以善言為賢

賢出於性非言所為○善吠伐廢反司馬云不別客主而吠不止善言司

馬云失本逐末而言不止也

而況為大乎

夫大愈不可為而得

夫為大不足以

為大而況為德乎

唯自然乃德耳

夫大備矣莫若天地然奚求

焉而大備矣

天地大備非求之也

知大備者無求無失無棄不以

物易已也

知其自備者不舍已而求物故無求無失無棄也○舍音捨

反已而不窮

反守我理

循古而不摩

順常性而自至耳非摩拭○循古而不摩一本作磨王云摩消

我理自通

滅也雖常通物而不失及已雖理於今常循於古之道焉自古及今其名不摩滅也拭音式

大人之

誠

不為而自得故曰誠

子綦有八子陳諸前召九方歟曰為我相

吾子孰為祥九方歟曰梱也為祥子綦瞿然喜曰奚若

曰梱也將與國君同食以終其身子綦索然出涕曰吾
子何為以至於極也九方歟曰夫與國君同食澤及
三族而況於父母乎今夫子聞之而泣是禦福也子則
祥矣父則不祥子綦曰歟汝何足以識之而梱祥邪盡
於酒肉入於鼻口矣而何足以知其所自來吾未嘗為
牧而祥生於奧未嘗好田而鶉生於突若勿怪何邪

夫所

以怪出於不意故也○九方歟音因李烏鷄反又音煙
善相馬人淮南子作九方臯為我子偽反相息亮反調
音困又口本反子綦子名瞿然紀具反司馬云喜貌本
亦作饜吁縛反字林云大視貌李云驚視貌索然悉各

反又色白反司馬云涕下貌禦魚呂反距也逆也嘗如
字本或作曾才能反牂子即反爾雅云牝羊也與鳥報

反西南隅末地也一曰豕牢也好呼報反突字又作窆
烏弔反徐烏了反司馬云東北隅也一云東南隅鷄火

地生鷄也一云窟也郭
徒忽反字林穴下反
吾所與吾子遊者遊於天地

所為○天地司馬本地
作泊云亂也崔本同
吾與之邀樂於天吾與之邀食

於地
隨所遇於天地耳邀遇
也○邀古堯反樂音洛
吾不與之為事不與之為

謀不與之為怪
怪異也循常任
性脫然自爾
吾與之乘天地之誠而

不以物與之相櫻
斯不為也
吾與之一委蛇而不與之為事

所宜
斯順耳
無擇也
今也然有世俗之償焉
夫有功於物物乃
報之吾不為功而

償之何也○償時亮反又音賞凡有怪徵者必有怪行殆乎非我與吾

子之罪幾天與之也

今無怪行而有怪徵故知其天命也○行下孟反注同

吾以

是泣也

夫為而然者勿為則已矣不為而自至則不可奈何也故泣之

無幾何而使相

之於燕盜得之於道全而鬻之則難不若刖之則易

全恐

其逃故不如刖之易售也○幾居豈反燕音煙鬻之音育絕句本作鬻之難則音月又五刮反易以豉反注同

又售反於是刖而鬻之於齊適當渠公之街然身食肉而

終齧缺遇許由曰子將奚之曰將逃堯曰奚謂邪曰夫

堯畜畜然仁吾恐其為天下笑後世其人與人相食與

仁者爭尚之原故也○渠公或云渠公齊之富室為街
正買廩自代終身食肉至死一云渠公屠者與相君臣
同食肉也街音佳一本作街然身食肉終本或作身肉
食者誤畜畜許六反郭他六反李云行仁貌王云卹愛
勤勞之貌人與如字人相食與音餘言
將馳走於仁義不復營農飢則相食
夫民不難聚也

愛之則親利之則至譽之則勸致其所惡則散愛利出

乎仁義捐仁義者寡利仁義者衆夫仁義之行唯且無

誠仁義既行將偽以為之○且假夫禽貪者器仁義可見則夫

譽音餘惡鳥路反行下孟反

且假夫禽貪者器

仁義可見則夫

貪者將假斯器以獲其志○且假夫禽貪者器司
是以

馬云禽之貪者殺害無極仁義貪者傷害無窮

是以

一人之斷制利天下若夫仁義各出其情則譬之猶一

其斷正不制乎一人

譬之猶一

覲也

覲割也萬物萬形而以一劑割之則有傷也覲郭薄結反向芳舌反司馬云暫見貌又甫蒞反又普

結反又初衆反劑子隨反

夫堯知賢人之利天下也而不知其賊天

下也夫唯外乎賢者知之矣

外賢則賢不偽

有暖姝者有濡需

者有卷婁者所謂暖姝者學一先生之言則暖暖姝姝

而私自說也自以為足矣而未知未始有物也

意盡形教宜知

我之獨化於玄冥之竟哉○暖吁爰反又吁晚反柔貌

妹昌朱反妖貌濡音儒又音如安也需音須濡需謂偷

安須臾之頃卷音權婁音縷卷婁猶拘學也說音悅竟音境

是以謂暖姝者也濡需

者豕彘是也擇䟽鬣自以廣宮大囿奎蹄曲隈乳間股

脚自以為安室利處不知屠者之一旦鼓臂布草操煙

火而已與豕俱焦也此以域進此以域退此其所謂濡

需者也

非有通變貌世之才而偷安乎一時之利者皆豕彘者也○彘音瑟奎苦圭反本亦作膠曲股

烏回反向云股間也暖室奴緩反又虛爰反一本作安室操七曹反

卷婁者舜也羊肉不

慕蟻蟻慕羊肉羊肉羶也舜有羶行百姓悅之故三徙

成都至鄧之虛而十有萬家堯聞舜之賢舉之童土之

地曰冀得其來之澤舜舉乎童土之地年齒長矣聰明

衰矣而不得休歸所謂卷婁者也

聖人之形不異凡人故耳目之用衰也至

於精神則始終常全耳若少則未成及長而衰則聖人之聖曾不崇朝可乎○羊肉不慕蟻魚綺反李云年長

心勞無愛樂之志是猶羊肉不慕蟻也蠶設然反行下

孟反鄧向云邑名之虛音墟本又作墟童土如字又音

杜向云童土也無草木地是以神人惡衆至衆自至耳

長丁丈反注同少詩召反非好而致

之○惡鳥路衆至則不比不比則不利也明舜之所以

反好呼報反有天下蓋於

不得已耳豈比而利之故無所甚親無所甚踈抱德煬

○此毗至反下注同

和以順天下此謂真人於蟻棄知於魚得計於羊棄意

於民則蒙澤於舜則形勞○煬郭音羊徐餘亮反和李

云煬灸也為和氣所灸知音智於蟻弃知於魚得計於

羊弃意司馬云蟻得水則死魚得水則生羊得水則病

一說云真人無羶故不致蟻是蟻弃知也共處相忘之

大道無沾濡之德是魚得計也羊以目視日以耳聽耳

無羶行而不致蟻是羊弃意也

以心復心此三者未能無其耳目心意也若然者其平也繩未能去繩而自平○

去起呂反其變也循未能絕迹古之真人以天待之居無事以待事

事斯不以人入天以有事求無事愈荒古之真人得之也生失

之也死得之也死失之也生死生得失各隨其所居耳於生為得於死或復為失

未始有常也○復訣又反藥也其實董也桔梗也雞靡也豕零也是

時為帝者何可勝言當其所湏則無賤非其時則無貴賤有時誰能常也○董音

謹郭音覲徐音靳司馬云烏頭也治風冷痺拮音結本亦作結梗古猛反司馬云桔梗治心腹血瘀癰痺鷄靡

徐於容反本或作壅音同司馬云即鷄頭也名茨與藕
子合為散服之延年豕零司馬本作豕囊云名猪苓根
似猪卵可以治渴案四者皆藥草名是時為帝者也司
馬云藥草有時迭相為帝謂其王相休廢藥各得所用
也勝音升句踐也以甲楯三千棲於會稽唯種也能知亡之

所以存唯種也不知其身之所以愁故曰鷗目有所適

鶴脰有所節解之也悲

各適其一時之用不能靡所不
可則有時而失有時而失故有

時而悲矣解去也○句音鉤楯純尹反徐音尹棲音西
李云登山曰棲會古外反稽音雞種章勇反越大夫名
也吳越春秋云姓文字少禽所以存本又作可以存言
知越雖亡可以存也鷗尺夷反脰刑定反解佳買反司
馬云去也
故曰風之過河也有損焉日之過河也有損

一音懈

焉

有形者自然相與為累唯外夫形者磨之而不磷○有損有形自然相累世能累物物能累人故大夫種

所以不免也

磷鄰鎮反

請只風與日相與守河而河以為未始其

攫也

實已損矣而不自覺

恃源而往者也

所以不覺非不損也恃源往也○恃本亦作恃

源而注者也水由源注雖遇風日不能損也道成其性雖在於世不能移也

故水之守土也

審影之守人也審物之守物也審

無意則止於分所以為審故目之

於明也殆耳之於聰也殆心之於殉也殆

有意則無崖故殆凡

能其於府也殆殆之成也不給改

所以貴其無能而任其天然

禍之

長也茲萃

萃聚也苟不能忘知則禍之長也多端矣○長丁文反注同萃所中反李云多也本又作

萃

其反也緣功

反守其性則其功不作而成

其果也待久

欲速則不果

而

人以為已寶不亦悲乎

已寶謂有其知能

故有亡國戮民無已

皆有其身之禍

不知問是也

不知問禍之所由由乎有心而脩心以救禍也

故足之於

地也踐雖踐恃其所不踞而後善博也人之知也少雖

少恃其所不知而後知天之所謂也

夫忘天地遺萬物然後蜩翼可得而

知也况欲知天之所以不無其心哉○恃其所不踞女展反李云一足常不往故能行廣遠也

知

大一知大陰知大目知大均知大方知大信知大定至

矣大一通之

也道

大陰解之

用其分內則萬事無滯也○解音蟹下同又佳買反

大

目視之

用萬物之自見亦大目也

大均緣之

因其本性令各自得則大均也○令力呈反下

同

大方體之

體之使各得其分則萬方俱得所以為大方也

大信稽之

命之所期無令

越逸斯大信也

大定持之

真不撓則自定故持之以大定斯不持也○撓乃孝反

盡有天

夫物未有無自然者也

循有照

循之則明無所作也

冥有樞

至理有柱但當冥之則得其樞

要也○矩尺朱反

始有彼

始有之者彼也故我述而不作

則其解之也似不解之

者

夫解任彼則彼自解解之無功故似不解

其知之也似不知之也

用彼知也不

知而後知之

我不知則彼知自用則天下莫不皆知也

其問之也不可

以有崖

應物宜而無方

而不可以無崖

各以

頡滑有實

萬物雖頡滑不

同而物物各自有實也○頤徐下結
反滑乎八反向云頤滑謂錯亂也

古今不代

故各自有

相而不可以虧

宜各盡其分也

則可不謂有大揚摧乎

推而揚之有大

限也○揚摧音角又可學反三蒼云摧敵也許慎云揚摧音略法度王云摧略而揚顯之也

闔不亦

問是已奚惑然為

若問其大推則物有至分故忘已慙物之理可得而知也奚為而惑若此

也

以不惑解惑復於不惑是尚大不惑

夫惑不可解故尚大不惑愚之

至也是以聖人從而任之所以皇王殊迹隨世為名也○解佳買反蟹同復音服又扶六反

莊子雜篇則陽第二十五

音義曰以人各篇

則陽遊於楚夷節言之於王王未之見夷節歸彭陽見

王果曰夫子何不譚我於王王果曰我不若公閱休彭

陽曰公閱休奚為者邪曰冬則擲鼈於江夏則休乎山

樊有過而問者曰此予宅也

言此者以抑彭陽之進趨○則陽司馬云名則陽字

彭陽也一云姓彭名則陽周初人也夷節楚臣王果司

馬云楚賢人譚音談本亦作談李云說也郭徒堪反徐

徒暗反公閱休隱士也閱音悅擲初角反又敕角反司

馬云刺也郭音觸徐下六反一音捉樊音煩李云傍也

司馬云陰也廣雅云遷也予宅

司馬云以隱居山陰自顯也

夫夷節已不能而況我

乎吾又不若夷節夫夷節之為人也無德而有知不自

許以之神其交固顛冥乎富貴之地

言已不若夷節之好富貴能交結意盡

形名任知以干上也知音智注同顛冥音眠司
馬云顛冥猶迷惑也言其交結人主情馳富貴
非相助

以德相助消也

荀進故德薄而名消

夫凍者假衣於春暘者反冬

乎冷風

言已順四時之施不能赴彭陽之意○

夫楚王

之為人也形尊而嚴其於罪也無赦如虎非夫佞人正

德其孰能撓焉故聖人其窮也使家人忘其貧

淡然無欲樂足

於所遇不以侈靡為貴而以道德為榮故其家人不識
貧之可苦○能撓乃孝反又呼毛反王云惟正德以至

道服之佞人以才辯奪之其達也使王公忘爵祿而化

卑輕爵祿而重道德超然坐忘不覺榮之在身故使王公失其所以為高○而化卑居高而以卑為本也本

或作而化
卑於人也

其於物也與之為娛矣

不以為
物自苦

其於人也樂

物之通而保己焉

○通彼而不喪我
○喪息浪反

故或不言而飲人以

和

人各自得斯飲和矣
○欲於鵠反

與人並立而使人化

望其風
而靡之

父子之宜彼其乎歸居

使彼父子
于各歸其所

而一閒其所施

其所

施同天地之德故閒
靜而不二

○閒音閑其於人心者若是其遠也故曰待

公閒休

欲其釋楚王而從閒休將
以靜泰之風鎮其動心也

聖人達網繆

所謂玄
通○網

直周反繆亡侯反網繆
猶纏綿也又云深奧也

周盡一體矣

○無內外而皆洞照
○周盡一體所鑒

網繆精宸洞盡故言
周盡一體一體天也

而不知其然性也

不知其然而自
然者非性如何

復命搖作而以天為師

搖者自搖作者自作莫不復命而師其天然也○復命搖作搖

動也萬物動作生長各有天然則是復其命也

人則從而命之也

此非赴名而高其迹師性

而動其迹自高故人不

憂乎知而所行恒無幾時其有

止也若之何

任知其行則憂患相繼○知音智幾居豈反時其有止也若之何王云憂乎智謂有

為者以形智不至為憂也不知用智必喪喪而更以不智為憂及其智之所行有弊無濟故其憂患相接無須

更停息故曰恒無幾時其有止也不能遺智去憂非可憂如何

生而美者人與之鑑不

告則不知其美於人也

鑑鏡也鑑物無私故人美之今夫鑑者宜知鑑而鑑邪生而可

鑑則人謂之鑑耳若人不相告則莫知其美於人譬之聖人人與之名○則不知其美於人生便有見物之美

而為無心人與作名言鏡耳故人若知之若不知之若

聞之若不聞之其可喜也終無已夫鑑之可喜由其無情不問知與不知聞

與不聞來即鑑之故終無已人之好之亦無已性也若

若鑑由聞知則有時而廢也所不好豈能久照聖人之愛人也人與之名不告則不

知其愛人也聖人無愛若鏡耳然而事濟於物故人與之名若人不相告則莫知其愛人也若

知之若不知之若聞之若不聞之其愛人也終無已然

以百姓為易狗而道合於愛人故能無人之安之亦無

已性也性之所安舊國舊都望之暢然得舊猶暢然况

故能久

得性乎○暢然

喜悅貌

雖使丘陵草木之緇

緇合也○緇民忍反徐音昏司馬云盛也

入之者

十九猶之暢然况見見聞聞者也

見所嘗見聞所嘗聞而猶暢然况體其體

用其性也○十九謂見十識九

也見見聞聞見所見聞所聞

以十仞之臺縣衆間者

也

衆之所習雖危猶間况聖人之無危○縣音玄間音閑注同元嘉本作閑

冉相氏得其環

中以隨成

冉相氏古之聖王也居空以隨物物自成○冉相息亮反注同

與物無終無

始無幾無時

忽然與之俱往

日與物化者一不化者也

日與物化故常

無我常無我故常不化也

聞嘗舍之

言夫為者何不試舍其所為乎○舍音捨注同

夫師天

而不得師天

唯無所師乃得師天

與物皆殉其以為事也若之何

雖師天猶未免於殉矣足事哉師天猶
不足稱事况又下斯邪○殉辟俊反

夫聖人未始有

天未始有人未始有始未始有物與世偕行而不替所

行之備而不洩其合之也若之何

都無乃冥合○所行之備而不洩音溢郭

許的反李虛域反濫也王云壞敗也無心偕行何往而不至故曰皆殉也所行行備而物我無傷故無壞敗也

湯得其司御門尹登恒為之傳之

委之百官而不與焉○門尹登恒向云門

尹官名登恒人名為于偽反下同傳音付下同與音預

從師而不囿

任其自聚非囿之也縱其

自散非解之也得其隨成為之司其名

司御之屬亦能隨物之自成也而湯得之所以

名寄於物而功不在已

之名羸法得其兩見

名法者已過之迹而非適足也故曰羸然

無心者寄治於羣司則其名迹並見於彼○羸音盈法得其兩見賢遍反註同得其隨成之道以司其名名實

法立故得兩見猶入鑑之相得也治直吏反

仲尼之盡慮為之傳之

仲尼曰天下何

思何慮慮已盡矣若有纖芥之慮豈得寂然不動應感無窮以輔萬物之自然也

容成氏曰除

日無歲

今所以有歲而存日者為有死生故也若無死無生則歲日之計除也○容成老子師也

無

內無外

無彼我則無內外也

魏瑩與田侯牟約田侯牟背之魏瑩

怒將使人刺之犀首聞而耻之曰君為萬乘之君也而

以匹夫從讎行請受甲二十萬為君攻之虜其人民係

其牛馬使其君內熱發於背然後拔其國忌也出走然

後扶其背折其脊季子聞而耻之曰築十仞之城城者
既十仞矣則又壞之此胥靡之所苦也今兵不起七年矣
此王之基也行亂人不可聽也華子聞而醜之曰善言
伐齊者亂人也善言勿伐者亦亂人也謂伐之與不伐
亂人也者又亂人也君曰然則若何曰君求其道而已
矣惠子聞之而見戴晉人戴晉人曰有所謂蝸者君知
之乎曰然蝸至微而有兩角○魏瑩郭本作瑩音瑩磨
之瑩今本多作瑩乙耕反司馬云魏惠王也
與田侯一本作田侯牟司馬云田侯齊威王也名牟桓
公子案史記威王名因不名牟約徐於妙反又如字司

馬云約誓在惠王二十六年背音佩刺七賜反犀首魏
官名也司馬云若今虎牙將軍公孫衍為此官元嘉本
作齒首乘繩證反為君于偽反下請為君同忌也出走
忌畏而走或言圓之也元嘉本忌作亡扶救一反三蒼
云擊也郭云秩又猪栗反折之舌反季子魏臣壞音怪
華子亦魏臣也惠子惠施也見賢遍反下同戴晉人梁
國賢人惠施薦之於魏王蝸音瓜郭音戈李云蝸蟲
有兩角俗謂之蝸牛三蒼云小牛螺也云俗名黃犢有

國於蝸之左角者曰觸氏有國於蝸之右角者曰蠻氏
時相與爭地而戰伏尸數萬逐北旬有五日而後反

誠知

所爭者若此之細也則天下無爭矣○
數色主反北如字又音佩軍走曰北

君曰噫其虛言

與曰臣請為君實之君以意在四方上下有窮乎君曰

無窮曰知遊心於無窮而反在通達之國

人迹所及為通達謂今四

海之內也噫於其反與音餘

若存若亡乎君曰然

今自以四海為大然計在無窮之中

若有若無也

曰通達之中有魏於魏中有梁於梁中有王王

與蠻氏有辯乎君曰無辯

王與蠻氏俱有限之物耳有限則不問大小俱不得與無

窮者計也雖復天地共在無窮之中皆蔑如也况魏中之梁梁中之王而足爭哉○復扶又反

客出而

君惘然若有亡也

自悼所爭者細○惘音敵字林云惘也又吐蕩反

客出惠子

見君曰客大人也聖人不足以當之惠子曰夫吹管也

猶有嗚也吹劒首者呖而已矣堯舜人之所譽也道堯

舜於戴晉人之前譬猶一呬也

曾不足聞○筦音管本亦作管高許交反管聲

也玉篇呼洛反又呼教反廣雅云鳴也劍首司馬云謂劍環頭小孔也呬音血又呼悅反司馬云呬然如風過

譽音孔子之楚舍於蟻丘之漿其鄰有夫妻臣妾登極

者子路曰是稷稷何為者邪仲尼曰是聖人僕也是自

埋於民與民同○蟻丘魚綺反李云蟻丘山名漿李云賣漿家司馬云謂逆旅舍以茲蔣草覆之也登

極司馬云極屋棟也升之以觀也一云極平頭屋也稷音揔字亦作揔李云聚貌又作稷一本作稷初力反聖

人僕謂懷聖德而隱僕隸也自藏於畔進不榮華退不

司馬本僕作撲謂聖人坏撲其聲銷損其名也○銷音消司其志

是隱藏於壠畔

莊子

聖一

無窮

規是生也

其口雖言其心未嘗言

所言者皆世言

方且與世違

而心不屑與之俱

心與世異○不屑屑絮也 不絮世也 本或作肯

是陸沈者也

人中隱者譬無水而沈也○陸沈司馬云當顯而反隱如無水而沈也

是其市南宜僚邪

子路請往召之孔子曰已矣彼知丘之著於已也

著明也

知丘之適楚也以丘為必使楚王之召已也彼且以丘

為佞人也夫若然者其於佞人也羞聞其言而况親見

其身乎而何以為存

不如舍之以從其志

子路往視之其室虛矣

果逃去也

長梧封人問子牢曰君為政焉勿鹵莽治民焉勿

滅裂

鹵莽滅裂輕脫末略不盡其分○長梧地名封人守封疆之人子牢司馬云即琴牢孔子弟子鹵音

魯莽莫古反又如字滅裂猶短草也李云謂不熟也司馬云鹵莽猶麤粗也謂淺耕稀種也滅裂斷其草也

昔予為禾耕而鹵莽之則其實亦鹵莽而報予芸而滅

裂之其實亦滅裂而報予予來年變齊深其耕而熟穫

之

功盡其分無所不至○芸音云除草也變齊才細反司馬如字云變更也謂變更所法也齊同也擾音憂

司馬云鋤也廣雅云推也字林云摩田器也

其禾繁以滋予終年厭殮莊子

聞之曰今人之治其形理其心多有似封人之所謂遁

其天離其性滅其情亡其神以衆為

夫遁離滅亡以衆為之所致也若各

致其極則何患也○殄音孫本又作殄離力智反下同
衆為如字王云凡事所可為者也遯離滅亡皆猶衆為

衆為所謂國莽也故鹵莽其性者欲惡之孽為性萑葦
司馬本作偽

萑葦害禾稷欲惡傷正性○惡烏恪反注並
同孽魚列反萑音九葦類葦干鬼反蘆也
兼葭始萌

以扶吾形形扶疎則神氣傷○兼古尋擢吾性以欲惡
恬反廉也葭音加亦蘆也

止於當並潰漏發不擇所出漂疽疥癰內熱溲膏是也此
此

莽之報也故治性者安可以不齊其至分○潰回內反
漏發李云謂精氣散泄上潰下漏不擇所出也漂本亦
作廉徐敷妙反又匹招反一音必招反疽七餘反廉疽
謂病瘡膿出也疥音界溲本或作瘦所求反○司馬云
謂虛勞人尿上生肥白沫也皆為利欲感動失其
正氣不如深耕熟耨之有實齊才細反又如字
栢矩

學於老聃曰請之天下遊老聃曰已矣天下猶是也又

請之老聃曰汝將何始曰始於齊至齊見韋人焉推而

强之解朝服而幕之號天而哭之曰子乎子乎天下有

大留子獨先離之曰莫為盜莫為殺人

殺人大菑謂自此以下事大菑

既有則雖戒以莫為其可得已乎○栢矩有道之人辜
罪也李云謂應死人也元嘉本作幸人強其良反字亦
作彊朝古遙反莫音幕司馬云
覆也號戶刀反菑音哉離著也榮辱立然後覩所病
自各

榮辱立然後覩所病

自答

得則無榮辱得失紛紜故榮辱立榮辱立則夸其所
謂辱而跂其所謂榮矣奔馳乎夸跂之間非病如何貨

財聚然後覩所爭

若以知足為富將何爭乎

今立人之所病聚人之

所爭窮困人之身使無休時欲無至此得乎

上有所好則下不能

安其本分

○古之君人者以得為在民以失為在己

君莫

好呼報反

之失則民自得矣以正為在民以枉為在己

君莫之枉則民自正

故一形

有失其形者退而自責

夫物之形性何為而失哉皆由人君撓之以至斯患耳故自責

今則不然匿為物而愚不識

反其性匿也用其性顯也故為物所顯則皆識匿女

力反愚一本作遇不識反物性而強令識之

大為難而罪不敢

為物所易則皆敢○大為

難而罪不敢王云凡所施為者皆用物之所能則莫不易而敢矣而故大為難難令出不能物有不敢者則因

罪之易重為任而罰不勝

○輕其所任則皆勝○勝音升註同

遠其塗而

誅不至

適其足力則皆至

民知力竭則以偽繼之

將以避誅罰也知音智下同

日出多偽士民安取不偽

主日興偽士於何許得其真乎

夫力不足則

偽知不足則欺財不足則盜盜竊之行於誰責而可乎

當責上也

遂伯王行年六十而六十化

亦能順世而不係於被我故也○遂其居

反未嘗不始於是之而卒訕之以非也

順物而暢物情之變然也○訕

起勿反廣雅云曲也郭音黠

未知今之所謂是之非五十九非也

物情

之變未始有極

萬物有乎生而莫見其根有乎出而莫見其門

無根無門忽爾自然故莫見也唯無其生亡其出者為能觀其門而測其根也

人皆尊其知之

所知而莫知恃其知之所不知而後知可不謂大疑乎

我所不知物有知之者矣故用物之知則無所不知獨任我知知其寡矣今不恃物以知而自尊其知則物不

告我非大已乎已乎且無所逃不能用彼則此則所謂

然與然乎

自謂然者天下未之然也○與音餘又如字然乎言未然

仲尼問於大史

大弢伯常蹇狶韋曰夫衛靈公飲酒湛樂不聽國家之

政田獵畢弋不應諸侯之際其所以為靈公者何邪大

弢曰是因是也

靈即是無道之謚也○太史音泰弢吐刀反人名伯常蹇起度反人名狶本亦

作侑同虛宣反又音希郭音郝李音熙韋李云狶韋者太史官名湛丁南反樂之久也李常淫反樂音洛應應

對之應諸侯之際
司馬云盟會之事
伯常騫曰夫靈公有妻三人同濫而

浴男女同浴此無禮也○同濫
徐明暫反或力暫反浴器也
史鰌奉御而進所搏幣

而扶翼以鰌為賢而奉御之勞故搏幣而扶翼之使其不得終禮此其所以為肅賢也幣者奉御之物

○史鰌音秋司馬云史魚也搏音博弊郭作幣帛也徐扶世反司馬音蔽云引衣裳自蔽扶翼司馬云謂公及

浴女相扶翼自隱也此殊郭義其慢若彼之甚也見賢人若此其肅也

是其所以為靈公也欲以肅賢補其私慢靈有二義亦可謂善故仲尼問焉
稀章

曰夫靈公也死卜葬於故墓不吉卜葬於沙丘而吉掘之數仞得石槨焉洗而視之有銘焉曰不馮其子靈公

奪而里之夫靈公之為靈也久矣

子謂蒯賸也言不馮其子靈公將奪女處

也夫物皆先有其命故來事可知也是以凡所為者不得
不為凡所不為者不可得為而愚者以為之在已不
亦妄乎○故墓一本作大墓沙丘地名掘其月反又其
勿反數所主反洗西禮反馮音憑其子靈公郭讀絕句
司馬以其子字絕句云言子孫不足可憑故使公得此
處為冢也奪而里而汝也里居處也一本作奪而埋之
蒯起怪反蒯五怪反蒯賸衛之二人何足以識之徒識
莊公名女音汝處昌慮反

之見事耳未知已然之出於自然也○見賢遍反

少知問於太公調曰何謂丘

里之言大公調曰丘里者合十姓百名而以為風俗也
合異以為同散同以為異令指馬之百體而不得馬而

馬係於前者立其百體而謂之馬也是故丘山積卑而

為高江河合水而為大人合并而為公

無私於天下則天下之風

一也○大公音泰下同丘里李云四井為邑四邑為丘五家為鄰五鄰為里古者鄰里井邑士風不同猶今鄉曲各自有方俗而物不齊同十姓百名一姓為十人十姓為百名則有異有同故合散以定之卑如字又音婢合水一本作合流合并而為公合羣小之稱以為至公之一也是以自外入者有主而

不執由中出者有正而不距

自外入者大人之化也由中出者民物之性也性各

得正故民無違心化必至公故主無所執所以能合丘里而并天下一萬物而夷羣異也

四時殊氣

天不賜故歲成

殊氣自有故能常有若本無之而由天賜則有時而廢○賜與也

五官

殊職君不私故國治

殊職自有其才故任之耳非私而與之○治直吏反

文武大

人不賜故德備

文者自文武者自武非大人所賜也若由賜而能則有時而闕矣豈唯文武凡

性皆然

萬物殊理道不私故無名無名故無為無為而無

不為

名止於實故無為實各自為故無不為

時有終始世有變化

故無心者斯順

禍福淳淳

流行反覆○淳淳如字王云流動貌覆芳服反

至有所拂者而有

所宜

於此為戾於彼或以為宜○拂扶弗反戾也又音弗又音弼

自殉殊面

各自性其所是

不能離也○自殉殊面廣雅云面向也謂心各不同而自殉焉殊向自殉是非天隔故有所正者亦有斯差離

力智反

有所正者有所差

正於此者或差於彼比於大澤百材皆度

無弃材也○比於大澤本亦作宅百材皆度度居也雖別區異所大澤為居雖木石異端同以太山為壇此可以當丘里

觀乎大山木石同壇

合異以

此之謂丘里之

言

言於丘里則天下可知

少知曰然則謂之道足乎大公調曰不

然今計物之數不止於萬而期曰萬物者以數之多者

號而讀之也

夫有數之物猶不止於萬况無數之數謂道而足邪○讀李云讀猶也

是故

天地者形之大者也陰陽者氣之大者也道者為之公

物得以通通物無私而強字之曰道○強巨文反

因其大以號而讀之則可也

所謂道可道也

已有之矣乃將得比哉

名已有矣故乃將無可得而比邪

則若

以斯辯譬猶狗馬其不及遠矣

今名之辯無不及遠矣故謂道猶未足也必在

乎無名無言之域而後至焉雖有名故莫之比也

少知曰四方之內六合之裏

萬物之所生惡起

問此者或謂道能生之○惡音烏

大公調曰陰陽相

照相蓋相治四時相代相生相殺

言此皆其自爾非無所生欲惡去

就於是橋起雌雄片合於是庸有

凡此事故云為趣舍近起於陰陽之相照

四時之相代也○惡烏路反橋起居未反下同又音羔王云高勦言所起之勁疾也片合音判又如字

安

危相易禍福相生緩急相摩聚散以成此名實之可紀

精之可志也

過此以往至於自然自然之故誰知所以也

隨序之相理橋運

之相使窮則反終則始此物之所有

皆物之所有自然耳非無能有

之也○隨序謂變化相隨有次序也序或作原一本作

享橋運之相使橋運謂相橋代頓至次序以相通理橋

運以相言之所盡知之所至極物而已

物未無所復有故言知不過極

物也○復

覩道之人不隨其所廢不原其所起

廢起皆自爾無

所原

此議之所止

極於自爾故無所議

少知曰季真之莫為接子

之或使二家之議孰正於其情孰徧於其理

季真曰道莫為也接

子曰道或使或使者有使物之功也○

季真接子季云二賢人徧音遍徐音徧

大公調曰雞鳴

狗吠是人之所知雖有大知不能以言讀其所自化又

不能以意其所將為

物有自然非為之所能也由斯而觀季真之言當也○又符廢反知

音智斯而析之精至於無倫大至於不可圍

皆不為而自爾或之

使莫之為未免於物而終以為過

物有相使亦皆自爾故莫之為者未為非

物也凡物云云皆由莫為而過去

或使則實

實自使之

莫為則虛

無使之也

有名

有實是物之居

指名實之所在

無名無實在物之虛

物之所在其實至虛

可言可意言而愈疏

故求之於言意之表而後至焉

未生不可忌

突然自生

制不由我我不能禁

已死不可徂

忽然自死吾不能違○可徂一本作阻

死生非遠

也理不可觀

近於身中猶莫見其自爾而欲憂之

或之使莫之為疑之所

假

此二者世所至疑也

吾觀之本其往無窮吾求之末其來無止

無窮無止言之無也與物同理

物理無窮故其言無窮然後與物同理也

或

使莫為言之本也與物終始

恒不為而自使然也

道不可有有有

可無

道故不能使有而有者常自然也

道之為名所假而行

物所由而行故假名

之曰

或使莫為在物一曲夫胡為於大方

舉一隅便可知

言而

足則終日言而盡道

求道於言意之表則足

言而不足則終日言

而盡物

不能忘言而存意則不足

道物之極言默不足以載


夫道物之極常

莫為而自爾不在言與不言

非言非默議其有極

極於自爾非言默而議也

莊子卷八



總校官庶吉士

臣張能照

校對官中書

臣石鴻翥

謄錄監生

臣張五詒